




浙江圖書館

811.18  
3324


(?)



浙江圖書館

限制  
出借

浙江圖書館



浙江圖書館

節庵先生遺詩六卷

浙江圖書館

黃岡圖書館藏

沔陽盧氏  
慎始基齋  
葉於棧曰

浙

黃岡陶子磨承刻

舊序

梁子鼎芬選刊所得詩爲二卷曰姑以相娛也始梁子  
官編修時發憤彈大臣黜罷年二十七耳吾心壯之後  
相見長沙形貌論議稱其所聞而頗欲梁子斂抑意氣  
以究觀大道之原去所偏蔽而偕之大適已而梁子棄  
鄉里獨居焦山佛寺三四年所學果益異客江夏稍久  
又得觀其所爲詩歌幾六七百篇其勤如是私怪梁子  
方博綜萬物攷攬古今之大業顧亦習華文耽吟弄效  
詞流墨客之爲邪且夫天之生夫人也蘊其志焉又植  
其才焉志盛則多感才盛則多營多感多營而必蘄有  
以自達古之人皆然當是時天下之變蓋已紛然雜出  
矣學術之升降政法之隆污君子小人之消長人心風

俗之否泰夷狄寇盜之旁伺而竊發梁子曰積其所感  
所營未能忘於心幽憂徘徊無可陳說告語者而優閒  
之歲月虛寥澹漠之人境狎亘古於旦暮覲萬象於一  
榻上求下索交縈互引所以發情思蕩魂夢益與爲無  
窮梁子之不能已於詩儻以是與儻以是與雖然梁子  
之詩既工矣憤悱之情噍殺之音亦頗時時呈露而不  
復自遏吾不敢謂梁子已能平其心一比於純德要梁  
子志極於天壤誼關於國故掬肝瀝血抗言永歎不屑  
苟私其躬用一己之得失進退爲忻愠此則梁子昭昭  
之孤心即以極諸天下後世而猶許者也梁子嘗堅余  
皓首偕隱之約余窳薄朽散不堪效尺寸之用世無智  
愚得睨而知之梁子刻意厲行且勤求當世之利病宜

非余比然今日之建賢選能立事就功風尚固殊焉士  
信不可棄復不稍貶所持曲折以就其繩格即愈厭斥  
之不暇日邁月征徙倚天地吾恐梁子之詩將益工且  
多行文譏梁子不幸終類於余也梁子於詩喜宋王蘇  
氏亦喜歐陽氏遂及於杜韓云光緒十九年八月義甯  
陳三立

圖  
江  
浙



浙江圖書館

參校姓氏

仁和邵章伯紉

順德黃節晦聞

揭陽曾習經剛甫

順德胡祥麟子賢

清遠朱汝珍聘三

南海黎湛枝潞苑

漢川李熙勤生

江夏傅嶽荼治薌

江陵田潛伏侯

遂安方煒仲先

浙江圖書館

浙江圖書館

節庵先生遺詩目錄

卷一

古今體詩一百三十三首

卷二

古今體詩一百十九首

卷三

古今體詩一百三十一首

卷四

古今體詩一百四十首

卷五

古今體詩二百九首

卷六



古今體詩一百二十首

刻集非公意也癸丑春間公有三良之志而不得遂事前手書遺言我生孤苦學無成就一切皆不刻今年燒了許多有燒不盡者見了再燒勿留一字在世上我心淒涼文字不能傳出也公子劬以示紹宋及己未夏公病痺一日紹宋詣問乘間叩公所著何不付刊公曰吾不長於文文必不刻詩詞雖意有所託惟燒去已不少今所鈔存僅百餘首他日不可知今則不能示汝耳紹宋因知公非不願刻集特不欲傳其文疇昔遺言蓋有激而發也顧公歿後檢其鈔存之稿不可得乃與陳君慶佑公備謀以小啟遍

徵公詩啟甫脫稿公備下世事遂寢由紹宋獨  
力蒐輯先得龍氏知服齋叢書樣本二百五十  
二首繼復百出鈔集積一年得七百四十餘首  
惟所錄互有異同又多由公往所書扇錄出詩  
題各異詮次校讐凡八閱月念公生平於詩頗  
自矜慎今凡涉疑似及尋常酬荅之作未敢輒  
錄復由閩縣陳太傅師審訂一過曾剛甫黃晦  
聞胡子賢三君一再商校其龍本則公所及見  
定爲首二卷紹宋所輯者爲後四卷都凡存詩  
八百六十二首體公之志尚嫌過多而同人謂  
難割愛且紀實云至其次第龍本一仍其舊紹  
宋所編僅就聞知略爲詮次公備既碎知公作

詩年月者較鮮必欲編年則展轉相詢殺青無  
日及今不圖人事萬變豈可知也編既成盧君  
慎之亟欲為公刻集徵稿於紹宋因畀以付刻  
而謹識崖略於右癸亥四月龍游余紹宋識

書

圖

江

浙

*[Faint bleed-through text from the reverse side of the page, including characters like '公', '集', '年', '月', '者', '較', '鮮', '必', '欲', '編', '年', '則', '展', '轉', '相', '詢', '殺', '青', '無', '日', '及', '今', '不', '圖', '人', '事', '萬', '變', '豈', '可', '知', '也', '編', '既', '成', '盧', '君', '慎', '之', '亟', '欲', '為', '公', '刻', '集', '徵', '稿', '於', '紹', '宋', '因', '畀', '以', '付', '刻', '而', '謹', '識', '崖', '略', '於', '右', '癸', '亥', '四', '月', '龍', '游', '余', '紹', '宋', '識']*

節庵先生遺詩卷一

番禺 梁鼎芬

龍丈 壽祺 宴集家園賦呈二首

暇日陪清讌端居葆令姿卅年上京夢三月柳花詞有

柳花詞 愛雨新添竹樓雲舊種芝南樓書史富余意欲

淹遲

閒閒開別館每每表先芬中散狀誰比魯公書不羣先

三十以前學顏 哀勞翻益淚寥落恐無聞起視中庭月

清光到夜分

泊古樓村弔鄒吏目

昔者鄒君字汝愚石城流竄由諫書後人追思但歎息  
一鳳豈可雜羣狙此閒風俗甚醜直著者李煥君所識

村氓至今稱滿口當時大官卻不得謫仙亭外月如霜  
終童壽命奚不長披書更詠獄中句將淚與水流汪汪

同張十六舅鼎華文三廷式遊永勝寺

閉關惟頌酒出郭始知春僧嬾睡過午鶴馴鳴向人危  
芳經雨定深靚入煙勻莫道同遊易追思或愴神

此日閒身在經時淚眼揩叔父三人遺匱先後寄此今六叔父未葬淒風驚

落葉淺水熟聞蛙來往紛行跡孤零少好懷擬從蘇晉

後松下設清齋

讀晉書雜詠

太陽昏弱位終虛飛箭傷心暗繫書天下克克實由爾

庾純面折賈公閭

江左偏安負盛名他時狼抗媿難兄伯仁竟死嗟何及

愁絕誠齋論易情

鍾劉一輩委飛灰危日談經只此才莫謂冲齡不解事  
也知還我侍中來

安仁才調比蘭芬可惜幽香竟被焚一語快心梅礪叟  
如何親寫禱神文

折翼天門事有無庾家羣從好冤誣中原多事須公等  
莊老浮華隻手扶

遺民范粲更誰同忘父捐身嵇侍中一代史才司馬正  
論人誤采蕩陰忠

題王漁洋集

落花飛燕兩微茫絕好樓臺碎玉裝劉勰文心尚聲律  
鍾嶸詩品愛閒長一時競許龍鸞手何處能容冰雪腸

晚近涓流沾溉盡香山山谷久荒涼

風雨一首

江海一鳥疾能令人斷魂當風初放幕將雨急修垣茗  
芋花仍笑蕭疏柳半髡不知千里外眼底孰桃源

庚辰七夕詞

茗茗西北起浮雲鏡約私諧錦段分鳳軫龍梭都不惜  
駕橋靈鵲已殷勤

窈窕雲扃乞巧多瓊枝消息遞微波天風鬆卻黃金鎖  
故遣佳人會絳河

瓜果金錢綺席開長安城裏笑喧豨杜陵善寫蛛絲態  
何止孫樵擅賦才

七夕後一日寄沈寶樞揚州

清秋淨懷抱節換別離長以我戀故國知君悲異鄉敷  
榮自蕭艾飄泊到鸞凰不見南來信滄波益渺茫

獨影難隨世深心且閉門萬人並喧寂一水各清渾近  
日花多媚因風月有痕輕陰鎖庭院無語但銷魂

耿耿明河冷迢迢世路艱寒蟬鳴有意蒼狗幻無端當  
徑休除草幽居學種蘭佳人傾國色合座弄明玕

隔昨鍼樓月近看生遠思腰圍同汝瘦肝病入秋羸老  
屋懷先輩所居為吳柳堂先生故宅平山獨故知百年會須盡相望

一鐙時

凍蠅

一生不曾凍以熱為性命營營復營營天乃殺其柄回  
頭看玉馨可惜冰雪勁

述哀篇

我生四歲始學書日識經字二十餘偏旁點畫不可定  
錯亂便倚慈母呼是時家在樂昌縣大人賓客無時無  
閒論詩品說劍術小子未解心歡娛親年強盛偶還里  
禍患竟爾乘須臾仲秋之月歲乙丑母病虛緊寒痛俱  
少頑不識壽親法自此無母悲何如五年冉冉忽長大  
十二隨宦過湘湖天胡不惠降凶閔九原從父志罔渝  
遺言在耳痛定省忍死遂受人閒污貧喪千里兼幼弱  
更有盜賊橫前途艱難待盡命不盡家鄉乞食從諸姑  
停喪不葬古有禁時無魯公猶恐誅蹉跎今日始銜土  
出自東郭歸北郭旭輪新升積霧散族黨相送還相扶  
先人孝惠在眾口因歎盛德憐此孤椎牛而泣亦人子

親戚既沒徒悲吁玉髓奇經豈神諛惟憑吾志驅幽誣  
作詩聊告妻與弟知我罪疚猶呱呱

齋中讀書二首

聖人去我遠存者六籍紛遺跡非口授後生觀甚勤往  
往一師說反復萬口云吾聞易蠱象育德而振民苟徇  
所不屑戈矛已相因前有千年書後有萬載人何以立  
天地上荅君與親願持白日心光明照星辰

爲學如登山來萬陟者僅徐行必無躡闊步不到峻所  
蔽有厚薄開塞豈由刃苟卿善言解性惡惜未慎剛決  
與果敢道乃日月進仁義奉孔孟耿介尊堯舜悠悠總  
不濟百年亦何迅

賞春一首

李花豔冶驕陽春千家萬家走馬頻林亭惆悵不斷此  
交開獨盛光景新或攜勝侶汎瑤瑟亦招隱士垂綸巾  
雌蜺雄蜂不辟路雛鶯乳燕甯畏人十萬金鈴獨汝惜  
幾家喬木今爲薪微陰欄檻更媢姹未必頃刻泥與塵  
何人更乞不死術慰彼大眾諸苦辛此花此日當此願  
焚香鞠踞陳天闥

桃花報友人酌樹下

春寒噤不放被酒多在家溫氣蘇百槁遞入窗前花何  
年道士種致此天半霞早開儻易落歡喜又吁嗟少年  
會須老貪癡非汝瑕置酒且勿顧仰視雙雲鴉

贈程頌藩

介節今誰匹

一本作不偶

新詩我所兄一官長隱市餘子各

傾城讀罷惟清嘯愁來慣獨行胸中挂鐵石不敢負深盟

臘朔自米市胡同移居棲鳳樓

漫與移家作新吟擊壤窩地偏觀物變春近抱天和翔  
仞須孤鳳馱書欠二騾看花意園近乘暇一經過

同十六舅遊天甯寺



暮春上旬花未瘥怯穠俚冷蕭寺過游人不盛僧尚卧  
棄落風物將如何吾儕豪猛與春競試絜曠抱躋平坡  
葱蘢曉樹城郭美蒙密煙草墟墓多死生之樂眾皆有  
人苦不覺輸佛陀谷風吹顏酒無力眼看世事如電波  
昇平已奏三十祀追論往事同涕沱屏藩不障犬戎毒  
周德甚厚天所賤此閒咫尺判和戰旌旗捲掩鳴驄驪

兵塵洗盡臺館出但供荒宴陪懽歌牆陰一綠野苔合  
老圃往往耕鋤戈今來思痛倦游賞長松勁節徒爲摩  
塔鈴獨語日將暮勸人行樂毋蹉跎

綠陰四首和顧印愚

鸞影飄蕭下舞臺薜蘿香霧不曾開記從銀鹿銜花去  
賸有涼蛩聽雨來小院惜惜人中酒隔簾點點燭成灰  
笛龍欲喚牆頭月來照當年數尺苔

桂風蘭露自宵宵一角屏山倚翠茗誰信漏天能補綴  
了無餘地轉迢迢涼雲不整波微動池館生寒雨欲飄  
忽憶碧桃春影豔坐愁無計報瓊瑤

淺青人被五銖衣玳押低垂柳一圍簫局嬾殘剛好睡  
屨廊隱約問誰歸微聞日午鸚初喚纔漏春光燕又飛

不放門開深院靜夕陽猶未到羅幃

香草千叢欲化煙清霜昨夜落襟前鵝梨燒盡翻銀葉  
蜨檻憑餘墜翠鈿讀畫微吟成昔昔對琴小坐忽年年  
無端木末頻催暝欲上紅鐙幾惘然

初夏

閒窗憶春夢夜雨洗庭莎盡處蟬鳴樹微生鼠飲河有  
懷千日醉隨分百年過莫上高臺望黃塵撲面多

彗星二首

不信鯨魚死精芒出十尋占經儒者術去位大臣心夷  
狄侵陵久天人做懼深殷憂堪啟聖微旨玉杯吟

星事沈思見天災顯象呈廟堂勤問故臺省孰攄誠久

已誇

一本作從

尊俎何因兆甲兵宗臣劉向在應有諫書成

與潘主事存夜話

此老世不貴深談吾獨能剝須及虎豹憎或到蚊蠅行  
路忙雙轂憂時恃一繩郎潛自然好豈惜髮鬚髻

明珠一首

烽火驚傳一載虛明珠消息近何如朱鷲形勢千年險

文鳳芳華廿卷書

明李文鳳著越嶠書二十卷

招撫儘堪關外固網

繆可是域中疏舉棋不定防先著太息時匆孰慰予

鄧給事兄

承脩

新拜內閣侍讀學士之命賦詩為

賀

近侍絲綸美新頒雨露温直從百僚底上動九重尊盛  
世無朋黨端居念主恩此身應許國不獨在忠言

傷心一首

隨人曲直鉤弦混布被公孫世所稱攪水覓魚定有幾  
覆巢來鳳竟安能三司條例嫌苛細上相威權雜愛憎  
誰識傷心道旁客無因援手暗沾膺

閻公謠

戶部尚書閻公掌司財賦已來整理搜剔官吏  
咸悚近擬裁汰孤寡口糧以節國用貧民憤怒  
作是哀之意淺辭煩蘄誠聞者世無白傅聊存  
此心云爾

聖清重民命忠厚開基長  
太后武且仁隻手回金  
湯錢刀犒勞役粟米振凶荒上衍  
列聖德永蔭萬  
世昌孤寡至堪憫定例頒口糧行之百餘載未聞有  
所妨尚書田閒來悍然嗤舊章彼小兒老婦奚亦竊

太倉有恃不謀生國庫豈債償裁之截其濫獨斷莫  
敢撻在官諸少年附和因誇張誰知道路哭上掩日  
月光臣聞理財用無政事不良賦稅舊有則江海今  
通商歲收入千萬較昔一倍強勇營耗天下極費最  
北洋江南多冗官飽食不較量省一營一官勝如算  
糝糠漏卮屬情好無告乃可戕用心既不厚行事亦  
不祥臣言若誣訕神鬼森在旁憂心日如醒長歌以  
慨慷

飲鐵香宅

孤芳節將晏朋酒坐不空永懷理亂迹一較古今衷鉤  
曲魚反失羅密雉難蒙物性有如此人情堪會通刻薄  
虧至仁寬厚爲大忠請命子可屬沈飲吾未聾

短歌贈鐵香

仁哉鄧子非世生人可司農君獨否爲民誓欲言天閭  
彼謀瑟縮歸無有譬如不戰屈人兵先聲所聞衆驚走  
一念真能活萬人心非望報終昌後吁嗟乎防川易于  
防民口人能改過更何咎閻公閻公亦不醜

出德勝門口號

健德門開曉日光復車未暇數興亡千軍箭鏃岡頭盡  
青草秋波似故鄉

途中賦興示寶瑛

閒官意有適走馬出平原雨盡朝霞濕年豐冷店喧白  
楊蟬獨翳黃菜蜨仍掀終歲長安道秋懷到此論  
行行郊漸遠淡淡日將曛樹裏何年寺路旁誰氏墳經

亡塵護帙碣斷蘚書文思入空微際笙簧世已紛

土城

主昏甘自困天早黑雲垂智化猶題額樊忠惜此鎚切  
膚長不寤苦口更安知土阜鳴駝路荒涼共一悲

清河

清流雙塔店小聚幾人家歷歷前朝事停車自買茶

沙河店前百步有明故宮遺址得詩一首

橋過朝宗是酒家

橋在河北萬歷四年夏五月造長二十丈繚以石欄

夕陽垂柳

駐青駟雲霾遠塔參差樹月倚行宮寂寞花徑仄蛇涎  
防履失櫺疏蟲語入鐙譁珠襦塵土瑤車影空付詞人  
說夢華

對月

西風激壯懷軒然不可縛離城纔百里涂徑儼有各室  
坐警秋嚴酒行衛神弱纖光曬階左倦轡見籬落勞逸  
皆有得生死真可託男兒走塵土苦恨不物若醉時未  
思醒明朝已成昨莫令古人笑京華廢邱壑

懷人一首 思道希慶笙也

豫章茁佳木南海有清淵威鳳光照世神龍潛自然感  
時多慷慨束物猶拘牽興往思友生悲來涕山川雲浮  
西北亘兵氣東南纏殷憂啟明主朗抱披青天音聲均  
一竅琴瑟偶兩絃涼飈拂金素夜淺情不眠茗茗千里  
曠落落二子賢裁詩屬寒店待札慰長年

出昌平州西門北六里至白石坊寫望

十三陵上樹樹掛秋霞鴉影前朝殿騾聲過客車石

坊通輦道雨路辟泥窪殘碣無人讀青盤數尺蛇  
泉淬飛橋石門迎落日巒地靈久盤礴人力幾雕刊碧  
草麒麟種蒼苔獬豸冠遙思迎謁日旃羽擁金鑾  
弓劍橋山夢珠瓊妃子衣往蹤深綠草遺老戀青薇顧  
絳祠何在康家冢尚依鍾山松柏好南北願相違  
陵門雲物舊林火賊蹤荒定鼎欽天意傳芭禮國殤皇  
仁宏愛護宸翰鑒興亡懷古情何極西風細馬裝

長陵碑亭下作

紅門分日色碎石占車路天高插飛亭重簷四層護亭  
外柱亦四一柱一龍據中矗三丈碑螭頭下龜跗大書  
長陵字神聖嚇童姬迤都一戰後燕師豈易捕齊黃乃  
進詞熒惑守心固叔父毋使殺不德更增惡喜入金川



往與晦若約游明陵未遂今以喪歸匝月矣黯然

書此

國門悽送雨中驪黃葉秋郊獨訪碑枯樹

一本作柳

一燈蟲

對泣水香園裏夢孤兒

雨旣不得游寶瑛勸歸題壁上

平道泥深馬不馳百重雲氣護靈旗秋鐙蟋蟀催程急  
山木鴉鷓叫雨奇桑下竟無三宿分壁閒留續再來詩  
他年便恐成陳迹穩記門前賣餅師

昌平州

連營曾此擁兜鍪向暮輕裝出鼓樓官道漸稀車馬跡  
民家尚費稻梁謀傳聞橫海飛船過寥落雄關緩轡游  
青鬢書生無一補酒醒明月看吳鉤

追弔劉司戶一首

集霰變清秋英風挺挺尤叢祠唐諫議舊縣漢幽州旌  
直無明主防奸獨切憂平生私淑意不惜再淹留

贈徐賡陞

足繭風塵鬢有絲政行井邑口成碑眾人欲殺我何忍  
作吏能狂斯已奇枉使郅都稱酷吏媿推王弼作經師  
君爲陸豐令聘主院席  
余年十九弗敢任也驅讒雪謗終何補不待他年負

子期

毋暇齋偶書

塵事久不覺曠情誰與窮晚蟬偏聒柳威鳳但棲桐觀  
物兼知性探微各有衷平生蕭瑟意投世可能工

揮手紛紜

一本作華

域游心款乃歌近流誰俊及佳句學陰

何將雨收書急方春貫酒多瓊芳牽夢寐不惜步逶迤

襍書二首

牙不能堅盍漱齒

一本作石

眠不欲覺思啖榆容容後福古

云有齷齪小謹今已無以羊易牛乃慈惠指鹿爲馬過  
須臾上天入地手可畏周妻何肉謀未迂

不知羞恥高若訥無所輕重權德輿上天浮雲忽如狗  
君子驂駕時用驢埋憂聊可理琴緒作戒未敢忘衣袂  
惟風生骨陽生氣保茲真宰還太虛

同十六舅買花因之長椿寺

寒日出門獨酒人同載頑樹晴喧雪路花暖媚春關擔  
憶松廬遠詩題竹垞閒東風管開落鶯燕各爲顏

古刹一僧熟塵蹤數歲停

舅嘗居此

松根看更老鳥夢喚能

醒坐茗遺腰扇安花少膽瓶無生猶聽法余意已滄溟

明妃曲

明妃正色天所鍾一心報漢辭漢宮琵琶嗚咽淚珠迸  
感恩遠去因和戎朝士無如延壽智不作胡官解胡意  
君王倍爲惜紅顏一愛豈能回眾忌吁嗟女子本輕微  
餘生尚戀舊宮衣此身不共芳魂返留與千秋說是非  
出都留別往還

淒然諸子賦臨歧折盡秋亭楊柳枝此日觚稜猶在眼  
今生犬馬竟無期白雲迢遞心先往黃鵠飛騫世豈知  
蘭佩荷衣好將息思量正是負恩時

店中書寄妻弟一首

樓居棲鳳舊栽花一箭春韶感鬢華薄宦無成空說劍

故鄉獨返尚移家出郭明日移居米市胡同團圞準擬他時樂笑語  
驚聞半夜譁涼露滿身知是夢馬棚莖草月光斜

游園暮歸

南望兵初定西風客正歸飄燈迷海市賒酒準秋衣零  
落黃花笑淒寒白雁稀林亭當別意猶自眷斜暉

送三弟之衢州

恩重許還鄉明朝更異方鐙前猶少壯眼底入風霜再  
見當成學孤吟有斷腸南樓尚回顧草木雜青黃

十月到家口占謝親舊作

歸來正及梅花日行李雙囊劍與琴里巷各驚臣貌少  
親知同歎主恩深敢言先輩追鄒智長奉遺書數蔡沈  
風雨閉關勤自省慎言節食是良箴

玉堂清晝五年餘棲鳳閒坊仕隱居親沒久應辭祿早  
官卑不覺上書愚移山填海古常有制虎驅狼今已孤  
萬里修門惟夢到署名從此號菰廬

崔四舜球殯歸子其蔭書來告葬日會哭二首

同官才俊服君賢清獻遺風在簡編直諫有心嗟不待  
深懷相許幸能傳春晴野窖論花價雪冷斜街數酒錢  
何意匆匆眼前事樹頭黃月已如煙

誰解申屠推輦悲鸞飄鳳泊斷深期登堂拜母揮新淚  
下榻留賓想故知入夢尚如平日好訂交真恨上京遲  
他生相見曾無定悽絕寒天祭冢時

感春

夢雨長依酒香煙尚惹衫遙芬珠箔盪芳思玉璫緘儘

倚紉蘭潔何知采葛讒春情似階草牽繞未能芟

无咎室憶晦若

梅花如玉綴苔枝曾照晴窗點易時  
南北路分何日合風雲事速獨君遲  
義山濩落裁詩怨根矩淪飄得食悲  
閒卻長楊詞賦手上清魂夢各淒其

靈氛一首

靈氛渡華渚絳萼冒春煙縞袂可曾淚  
明燈不自前鶯嗁猶夢雨蜨嬾在芳年  
此意幽微裏尋思但憮然

歸善江生

逢辰

執業甚恭攷其文行佳士也贈之

以詩

水木清深講舍開得人勝獲百瓊瑰  
義猶兄弟真投分行盡江山識此才  
風氣晚趨嫌薄朽根源早出要淵賅

餘生報稱知無日覺世修身汝可裁

湖居二首

人家閒可近風物眾難編  
蠶繭春連戶漁燈夜走船  
書聲飄隔水塔影劃遙煙  
獨過棲禪寺胡牀已百年

水漲便浮宅堤窪偶縛橋  
恨無荷一畝待補柳千條  
舊事錢塘忘新詩玉局招  
西湖今付我莫道故人驕

鐵香京邸

篆別後西湖付與誰七字榜于門眉意殆自專不謂在余也前郵書索此肯而未來

佳人二首

閨風縹馬竟何年吹徹參差下眾仙  
公子歸期春水後佳人情緒夕陽前  
碧芳傾盡痕猶濕紅燄飄殘夢尚牽  
渺渺天河幾回顧自拏簾箔數星躔

桃弓射鴨儘蕭閒縹緲仙居紫翠閒  
不盡情懷隨逝水

更無謠詠到深山夕張瑤瑟憑招月朝索瓊茅自閉關  
蕉萃沈郎初病起肉芝應爲駐年顏

豐湖夜泛

秋辛秉金肅湖寬取月斂收書積萬想理槩放一覽疏  
風弄黃柳淺路犯枯莢軋軋鴉團林戢戢魚入椽寺近  
早知門山遠微出广佳時失恐易好境得在漸夷曠即  
無滯清明不受點游泳可以歸徑往吾豈敢

招隱二章寄黃三

吾慕阮孝緒特撰高隱傳不簪又不帶適意因所便仙  
人杖綠玉解后古松院奚必卧龍广始識佛印面  
童子三五人年可十八九衣被青紫羅香囊繫肘後中  
有金丹訣非人不能授桑田日窪下仙花獨長久

齋居

春盡花成雨苔深綠掩門懷人長託夢有客則開尊商  
略黃公術沈吟素士言芳菲誰不見寵辱世徒喧無事  
張琴坐將詩剪燭論清心依水月動念卻風旛先代圖  
書在閒庭草木蕃貧家自有樂所得是天恩

以東坡畫象寄龍二鳳鑣因系一詩

白鶴逍遙五百年家家傳寫似生前懸知露電非傷逝  
儘有風波自得仙漠漠桂花人中酒娟娟涼月夕題箋  
玉牀丹鏃勞相憶尚是棲禪一覺眠

荷花畫絹

縹緲秋江絕世姿玲瓏湘管斷腸時紅蘅碧杜長相憶  
玉露金風要自持欄檻有人傷晚晚衣裳在水寫參差

綠波驕盡芙蓉色朝攬蛾眉諷楚辭

古意

共郎上山頭不惜下山早郎愛合歡花儂愛苦辛草

夜坐有懷

壞牆斜月女蘿香散髮無人坐受涼酒罷微醒更惆悵  
數聲長笛一庭霜

春晚

開簾當晚坐罷酒帶微醺短徑通蘭氣芳風拂露文  
花驚蜨去張席待鷗分一曲琴初弄千金猶爲君

題孔北海集

誰及秋霜琨玉姿遺文散落特英奇我心似石堅難轉  
國事如棋亂可知空有盛名驚劍客獨於儒術表經師

比鄰邠慮稱交早真恨才疏到死時

思友

風亭吹晚霽春岸得幽行苔際餘花淨霞邊一鳥明懷  
人開桂醕臨水展桃笙尚憶江頭別心中無限情

初到肇慶口占一首

峽盡見江城江流日夜爭幾人畫形勝滿眼說昇平入  
境知民俗懷賢識令名謂彭春洲蘇廣堂兩先生微躬繫風教何以  
慰諸生

雨後坐眾綠廳望七星巖有懷十六舅京師

羣星化爲石一一墜地險招要納虛牖蒼翠補疏簾初  
陽望彌曠獨飲酒從儉室邇引荃蕙廳旁爲荃香室地富出菱

芡嗑風一鳥驕拂水數花詔美景憾孤領閒門好長店

佳人隔天雲思之淚爲掩

全亭晚坐示劉生

振騫楊生壽昌

閒居萬物照心魂陶器單衾與我存一月出林添綠淨  
數花當戶及黃昏讀書前輩難同世問字諸生已在門  
須使九流分派別猛思江海正渾渾

黃紹憲墨荷花

體開汴人尹

白

筆妙畫院於

清言

風流逮南海絕藝欲

到渠一花亞一葉韻潔而枝疏何以芳華手緬彼沈默  
居我憶豐稷詩當暑搖風如愔微靜者寤此意子可書

翠微一首

更無鸞鶴刺天飛獨對斜陽憶翠微上界最工餐玉訣  
侍童都著縷金衣千株桃杏翻明錦一隊笙簫逐紫騑

始信神仙原咫尺不勞雞犬說知機

同徐鑄訪七星巖石罅祖龍學題名作長歌

秋風動地潭水枯清游載酒子與吾笑談已過茨塘外

回見村屋皆畫圖紛紛姓氏滿巖洞周書元公寬博包書

考癯范陽擇之亦至此博陵崔子相馳驅巖內先有博陵崔之才祖

無擇至此皇祐二年仲春十三日二十一字更聞石罅字未滅蘇齋有紙不

得摹春洲畸人始尋見著書且補儀徵無我今羸猛仗

心膽子復英特少髭鬚巉巖共向仄徑入鞠躬恍若公

門趨余生世途每寬坦到此真覺形體拘手捫苔壁引

蛇沫以火斜燭相叫呼分明七字魯公體崔之才祖無擇題銀

鉤灑落瓊枝腴回身小立若有會追憶史乘微歎吁公

昔從游泰山下要埒守道兼寬夫抗言行聖定百世袁

州啟學繁生徒臨川柄國枉人罪酒瓶三百輕召辜憎  
 哉不遇張子厚流竄德慶成冤誣遺文煥斗集穆修派  
 手力儻可分開洙此官雖鄙奚足貴一本方寸蕭散誰  
 能逾温公贈詩云方寸常題名山澗知幾處大雲銅石  
 羅浮俱連州大雲洞陽春銅石巖惠州羅浮山長壽他  
 年同著幾緗屐盡收寶刻當瑤瑜

春日園林

芳菲時節竟誰知燕燕鶯鶯各護持一水飲人分冷暖  
 眾花經雨有安危冒寒翠袖憑欄暫向晚疏鐘出樹遲  
 儻是無端感春序樊川未老鬢如絲

陳右銘按察招同潘孺老飲錦榮街寓廬

鑑前二老說昇平我亦從容共此情小雨夢回天自放

好春花謝鳥猶猶經過陵谷成翁早沈醉江湖入世輕  
不到明朝便陳迹櫟樓况已報深更

端居賦興

閒庭雨過晝添寒柳竹青葱俯一欄漸與世疏文筆放  
偶緣春好酒杯寬石脣苔潤初安白水面萍分獨下竿  
惟有佳禽笑多事中年心意未闌珊

琴臺

琴臺人不見

一本作人琴不可見

今見臺前花湖水發春淥顯此

一片霞當時鸞鳳意豈爲千春誇世上黃金交朝盡暮  
舛差何論死生際劃然秦越家彼美人兮騎青騮臨風  
一曲心無邪玉羊白鵲翔晴沙此閒山水清且嘉恨生  
不遇期與牙褰裳獨往藏蘆葭

魯子敬墓下作

漢家火德弱桓靈板蕩衰獻帝操敢繫豪傑難羈縻仲  
謀骨不恒藉手父兄基破虜最忠勁討逆英且奇無命  
一再蹶孝廉非哭時臨淮有名士瑜瑾龍鳳馳奚不相  
輔漢抗議多奸欺王室不可復規模亦何爲徒使冀幸  
語搖惑英雄姿因念天子聖保邦於未危疆宇苟傾蹙  
扁鵲非良醫何況才智士內熱多所移羣雄日縱橫聖  
化日凌遲各驚功名場元首誰護之奮武已千載經過  
激我私高墳依城立春草青離離惟有江上月照此無  
窮悲

湘舟雜詩

無事成遠適孤行方今時野花喧寂寞芳草拂淪漪未

可生春怨何因致酒悲瀛寰共清宴慷慨爾奚爲  
螻蟻安能制龍鸞不可羣騷魂蕩湘水落日念夫君耿  
介尊吾主讒諛不自分荃撓幾停泊余佩有芳芸  
夜月臨江渚春風發洞庭幾時天不醉百戰水猶腥去  
憶沈戈衆來招鼓瑟靈啾啾滿猿狖將酒倚篷聽  
平生夢不到今日獨登臨樓俯蒹葭綠風飄鸞鶴音江  
湖一水限天地幾人心何必懷憂樂經過意自深  
一點君山翠娟然對翠霞僧門因樹失樵路入雲差竈  
冷虛求藥身閒自啜茶飛仙有誰見天暮羨歸鴉  
故侯家不遠惆悵大星沈禮數捐年輩人才定古今飄  
流慳寸報生死照初心回首江南路蒼蒼松柏陰  
守險翻違衆銜恩竟徙邊無人計功罪行路滿哀憐大

漢精魂近孤檣涕淚懸懷忠未相識袖手視鴟鳶  
青天不敢問翠羽已潛凋馬櫪爭賓草鳩巢繫葦若芳  
流成歇絕陰雨恐飄搖莫顧人閒世風帆盡夜漂  
湘人思窈窕溝水悵西東瓊蘂延年少瑤笙託恨空客  
行頭漸白人坐燭微紅喚起芝芙夢春花一笑中  
寶劍難逢俠新詩待付奚孔融徒有志方朔笑無稽醒  
醉情能並榮枯理本齊要誰共閒放湖月向人西

重至長沙寫哀一首

浮世蓬根不道憐秋懷到此更追牽再尋舊巷悲回轍  
獨泣愁春淚徹泉報國未能伸志事沈湘空自夢嬋娟  
剪燈暗記當時話身是孤兒十九年

芙蓉花畫扇

欲涉江頭采采難  
冶叢新發一枝安  
風裳獨舉誰曾識  
漂泊人間當畫看

幽居一首

萬流正喧吸一月  
眷嬋媛芳草能知  
暖春風與閉門揀  
詩歌有木治痲惜  
無萱徒抱千回意  
抽琴軫不存

簡沈寶樞

孤生有微尚爲子  
寫幽悃休惜露電  
影誰知龜鶴年看  
雲常作絮吹雨不  
成煙且竢樵期往  
深山訪偃佺  
沈吟千載事繾綣  
九州心抱劍中宵  
起攤書永日吟風  
塵紛去馬歲月變  
鳴禽獨折荷花立  
芳春不可尋  
卍角論交日危身  
入世時王楊說才  
子張趙訪京師九  
死真何補餘生未  
足悲傾城莫倚市  
孤樹著花遲

義烏朱濟美先生集題詞

一卷伐檀集照人冰雪姿冷官坐無事佳句日相隨筆  
底干戈淚園中草木詩真能敬桑梓不是玩歲蕤

耆舊今能數文詞不獨工行爲鄉里敬言啟後生蒙讀  
史嗟宗澤傳書慕晦翁他年謁朱店竊願罄微衷

生子鬚眉朗論交肺腑長漢廷說災異楚澤未悲傷無  
術慚吾黨同聲得講堂端溪有叢刻箇箇誦雲章

先生詩集

余刻入端溪叢書

一簣亭春望

清明集我躬曉坐露未晞靜觀花與木一一騰生機新  
條送秀綠初萼抽淺緋春氣所益覆一院爲芳菲和風  
豈不悅倘有冰雪時根本苟未實繁茂徒爾爲昂昂干

尺松挺挺百世姿培之有其朔不伐終修奇得寸我當  
寶枉尺孟所非此亭可以眺凜然中心危

對雨同朱蓉生作

雞鳴昨夜報荒村景物瀟瀟朝掩門驟雨飄風今竟日  
交柯亂葉莫尋源偷香棖桷驚雛燕貪餌池塘出老黿  
如此光陰劇蕭瑟畫情約略待君論

夜深無寐起書一詩

愼愼人閒事事違玉顏金骨恐全非驢因旋磨忘宵苦  
燕爲尋香向暮歸聞笛無端飄涕淚下簾有意惜芳菲  
千年心念滄桑見精衛當年力已微

過慶筮故居

秋天墜葉打空堂何止東川屑淚傷軼事從添坊巷志

故書猶發杜蘅香十年不是尋常好一日能令八九狂  
依舊西風斜照裏更無調藥到甯牀

寄康祖詒

悵望江頭日暮雲調人絕代御蘭芬上書不減昌黎興  
對策能爲同甫文應惜平生邱壑願竟違天上鳳鸞羣  
倚門慈母今頭白玉雪如何溷世紛

己丑十一月遠游拜別先隴泣賦

我生滋艱危清白幸未污先人藏體魄九載安此墓闕

祭惟癸未以外皆可訴

辛巳十月安葬壬午三月別墓  
北行甲申九月請假歸省乙酉

十月謫歸以時祭祀中間  
惟癸未一年未拜墓耳

椎牛竟何益戀此手栽樹如

依親舍傍枝葉不改素四時薦芳鮮兩弟共行步但使  
有生日歲歲敢不赴蒼狗驚浮雲老馬竟爭路京下燄

極熾攸條勢可怖避地乃賢者魯論實明諭茲晨肅告  
別獨拜意悽苦眷眷魂若逝淫淫涕如慕生事無一粟  
墓祭復非故彼壽有期頤道死兒未惡飄搖任蓬累利  
害輕瓦注日惜志士短窮守君子固詰朝賦遠游何人  
志流寓靈兮鑒我哀當行屢回顧

節庵先生遺詩卷一

浙江圖



浙江圖書館

節庵先生遺詩卷二

番禺 梁鼎芬

讀張文獻公羽扇賦時沈二客曲江因以寄意

豈以文章重至今模楷尊但求得死所  
遑復計生存碧眼兒終大赤心臣敢言  
秋風分捐棄掩泣賦蘭蓀

胡塵滿天地風度此高樓深谷纔為岸  
吾家舊泛舟少日

隨侍屢過此閒故人今獨寐昨夜似同游  
季懈題碑在苔深細意搜

母暇齋

故人珍重題齋額南北書牀得自安  
何妥解經知已少

妥字棲鳳見隋書儒林傳荀卿勸學說能完  
閒花細草當門靜霽月

光風取徑寬陸九居廬過一載慶筵時居父喪  
傷離空有淚闌

干

同十六舅晦若出彰儀門外望行人來往

大道飛輪迅莫留石梁鳧鴨自悠悠同人各有江河感  
今歲先捐米粟憂輻輳街塵成舊話蕭閒風物見清秋  
心知不及當年盛疏柳斜陽故出游

路旁老者言道光以前行旅之盛近

皆自天津來不復觀矣

### 偶書一首

范璿代胡銓邱濬洩王怒咄咄許怪事所言有根據澹  
菴古遺直披肝待刀鋸就令短書塙愛友心不污何況  
繫安危一紙實孤注瓊山中自燒結宦已成痼拙哉三  
原友疏憤可以妒奚怪阿鳳永揚鞭奪先路毋徒詡文  
章剛腸一回顧

碧螺春盃夜宴

樺燭分筵射綺櫳清歌妙舞酒方中細評金雁珠雙串  
輕顫銀鵝玉一叢夢影桃花身是幻詩題芍藥手能工  
片痕春月依人袖窺見前宵淚點紅

十六舅座上賦月

微微弄花影漸漸沒鐙痕雨過芳軒潔人閒酒坐温砌  
螢先覆燄枝鳥誤驚魂莫念家園別團圓今夜恩

枯木怪石圖

何年畫師解此圖圖中有人卿試呼蒼堅奇恣世所無  
一木挺挺如丈夫一石磊磊非俗儒上有日月德不孤  
我心寫兮人姓蘇肝鬲既異面目殊身于南海魂西湖  
此木此石何能摹

坐雨憶周七鑿詒長沙

窈窕隔瀟湘秋繁一雨長好花如過雁陰蘚引嘒蟹秀  
句傳槐市駢居愛柳堂定知此時意閒坐弄香姜

譚三丈

宗浚

招同十六舅陳大

序球

姚十一

禮泰

崔四

舜球

飲塔射山房作

城闐樹影拂朝霞一塔玲瓏認佛家荔子南園鄉社遠  
藤陰西院酒船譁雨廊片綠延春蘚風磴疏青損石花  
尚識光林舊梵宇高槐幾換不勝鴉

抹麗吹香撲一升新籬短短縛青藤津梁疲倦三閒佛  
檐拱漂搖百盞鐙得酒更閒須惜日看花乍倦忽逢僧  
清游不是尋常事纔話當年涕淚仍

梧桐蘭花二首

西風吹葉落孤榦當天墀亭亭百尺直生來無邪枝可  
爲火焦尾不可蔡邕知

藜蘭掩蓬藿一枝挺涼玉懷香不近人娟然畫春綠持  
以贈君子湘雲滿衣服

書憤

犬夷有意敢侵陵欲往縛蛟無此層百口不諧非所懼  
四肢將放棄誰懲至尊憂憤收廷議使相從容許歲繒  
一表草廬長未達本來淡靜卧龍能

周七蝟蟬齋移居詩和韻

掇櫛蝟瑑檣蟲書人海安然小泊廬別館試花詞客宴  
連牆通月舊時居庚辰所居與君隔牆窗閒野馬真能寤江上瓜

牛恐不如蠻觸紛紛判一闕回黃轉綠那關渠

蓮花臺墓道望梅花感賦

玉砌朱欄有命哉，寺旁香影獨徘徊。  
初花已具疏寒意，積雨偏成醞釀胎。  
倦夢初回翻遠別，芳時何日得重來。  
墓門咫尺傷心地，空負山梅歲歲開。

寄顧二弟

朔

因懷舊游書

石梁看月白紛紛，薤菜方塘襯綠雲。  
近水魚標知有主，依門鴨柵漸成軍。  
難忘少日行歌地，各守貧交諫諍文。  
奉母光陰非買得，萊衣可與沈

寶樞

徐

鑄

羣

陶然亭尋舊題不得續爲此詩

涼秋碧樹發孤妍，酒夢惺忪近十年。  
亭石微欹妨蝶路，砌花漸密鎖蟲天。  
賭棋客已成新醉，識字僧猶誦往篇。  
贏得滿襟塵土在，王符著論可爲賢。

天甯寺石臺望雪

尖風一夜擊垂陰  
雪曉平原匹馬臨  
卷裏詞人半千古  
亭前寒意逼孤襟  
飄空遠近憑何力  
見現消浮豈有心  
獨倚石闌中酒後  
暮鴉沈戀未歸林

寒夜獨謠

寫入幽通黯一鐙  
神人髣髴事何曾  
月明深巷疑聞豹  
風肅清簾不到蠅  
久別花枝憑夢折  
無多酒力帶愁勝  
年來莫溯心中語  
何止籬閒嬾媵藤

題石徂徠集

玉辟堅芳蘭諱貞  
奉符風節太崢嶸  
愛才誰似劉和仲  
空得人閒蚤死名

閒居

盡日車塵不到門，隔簾花影漸浮尊。  
雨苔瑣屑蝸行緩，露蕊叢殘蜨抱溫。  
酒愛重釀教獨醉，詩成往體向誰論。  
晚來新月煙林際，待欲歡歌已斷魂。

春郊試興

行春自笑忘春華，落盡平原桃李花。  
日薄空林喧野鵲，路通叢芮辟垂蛇。  
仙人樓閣知何世，大道煙塵不是家。  
要合城中二三友，可能閒曠燭幽遐。

甲申四月十日有封事作詩一首

天門九重誅蕩哉，小臣分疏今始來。  
欽礪違旨誰敢挨，蠻夷則大我則孩。  
君恩九鼎輕如埃，每際警急翻嘲諤。  
曰弱敵強靡不災，南越荒遠猶濕黠。  
收之無益棄可諧，若輸歲幣臣爲媒。  
彼實騶虞非蛇豕，昭昭仁信世所佳。

朝士紛紜久不排亦有陰附陽爲乖吁嗟乎敵不敢摧  
反以危論搖上裁尚方劍爲斯人開朝夕諦視心弗厯  
一朝拜疏無徘徊豈復惜此數口骸昔者先皇龍馭  
哀萬方雨泣顏濯濯戴天未報臣長唉彼相戰績鋪江  
淮威權卅載位三台連營數十徵民財薦舉千百充仕  
階貴及羣從誇駸駟富逾天府羅瓊瑰胡曾已往命不  
偕溯之往代艱其儕僉曰相公天下才能雪國恥文武  
該臣亦從眾祈天恢東夷北狄事不回此虜窮毒手可  
埋奚守覆轍爲罪魁今知所用皆優俳時平如虎危如  
蛙公錢私積驕兒娃全軀保家不顧咤肆然挾敵成禍  
胎惟此可斬不須猜青天無雲散陰霾明月皎皎鑒此  
懷願天子聖燭九垓豈徒一士追徂徠

蟬

碧樹一庭翳斜陽與物昏時從聲覓影偶破寂為喧吸  
露飢可暫零霜寒欲吞不如鳳凰傑振羽出崑崙

別蓮花臺三年昨夢歸莫醒書志哀

曲曲松陰橫一梁山門清窈草花香頻年上冢閒中過  
白日看雲別後傷豈有微官能濟物偶因好夢得還鄉  
癡頑負卻風詩教鼎芬六歲時先母授毛詩數章手玩茗華幸未  
黃

荅友

無水能澆嫉惡腸觸牛搏虎亦尋常鏡中攬鬢何人見  
物外游心只自長李耳不治逢氏罔魏侯要識次公狂  
懷君諷戒千回意他日相從更一量

六月二十二日聞臺灣雞籠嶼不守感憤書此和

齋盦韻

此地實天險何人忘敵讎喪師無罪罰乘亂更誅求已

欠徐禧死還防郭默謀精兵雖急渡醜女任茲仇

路仗王羆卧

孫總兵開華一軍甚勁劉兵備

戎休魏絳

和吾君神武最若輩諂多天祐不至此人謀真若何

閩人李彤恩漢奸也劉銘傳倚為心腹是日未戰之先徇彤恩之請倉皇退紮故有是敗書生無一

報灑血付悲歌

書堂

清白讀書堂榴花紅過牆屋存百年舊學守一經良聞

道原無早安身但有常九垓甚寥廓先為縱神光

暮登陶然亭

冠蓋非吾願林巒終自間亭虛先占月城近不妨山舉  
袂獨行久題詩一笑還名湯與利輾要有此時顏

宿齋盒

同鄉盛文讌佳日羅眾賓君若肝膽異於我情最親讀  
書喜韓孟諸子非墨荀及與論世事沈勁竟絕倫連朝  
告警急驕帥失地頻事君當效死吁彼實武人周易垂  
至訓奚爲戕斯民兵危視兒戲致此實有因用人不詢  
謀獨斷隨所欣誰知誤國罪上負深宮仁懷書路不達  
慨然念忠勤

謝閨贈劍囊

三年不見雙溪梅思親夢繞蓮花臺偕行一劍藐江海  
秋氣惻惻何爲哉閨中相對笑且咲君殆豪曠非愛才

嘗聞美玉始有積未見明珠輕露胎劍兮霜雪已如許  
不韜光采將爲災製囊鎧伴逮天曉鍼綫熨貼如舊裁  
出斬長蛟亦由汝退處尺蠖誰能猜一身行藏已先定  
萬種禍福皆儻來秋高木落天地哀吾欲有言不能開  
墓門松枝想成抱更欲手把山桃栽終當還我偕隱計  
啟篋題詩點玉苔

馬頭店夜

撼撼秋意緊擾擾萬緒起同栖惟一奴外有店家子店  
子低告余含淚辭又止自聞西虜橫行旅非昔比桀勇  
朝持刀惡役夕敲篳亂離未到眼哽咽先被累我生當  
平世出門駭所視時無杜老哀人恨漫郎死淮水萬軍  
譁皇城一日邇去京入  
十里荒涼不可言險苦遽如此

九月五日守風烟台

船頭吹雪雨交飛  
日色矔矔力已微  
酒醒驚颿猶未定  
一時寒暖亂秋衣

登州海市幻無端  
曾累東坡五日官  
詭譎波雲今可是  
鬼鐙同月鬪高寒

海邊形勢險難收  
突兀山椒半起樓  
我是暫時停泊客  
問天堪笑杞人憂

上海逢馮二表弟啟鈞作

尊前錄別忽三霜  
門望於今屬季方  
千里江山招九日  
連營笳鼓動斜陽  
深懷尚自憂家國  
少歲先教識稻粱  
且抑煩哀論今古  
不然虛坐祖香堂

堂爲吉雲文畫蘭之所是夜同宿於

此

追挽馮表弟 啟勛六首 并序

弟歿一百八日爲重九節余至上海同少竹詣  
山莊哭奠心傷神悽不復能詩十三日游杭州  
過長安壩追懷親舊賦此寫哀寄少竹焚之當  
一慟也

豈識神京別判成客路哀如何無一試未必肯重來苓

尤愁春病驄駭絕世才嗟亡兼送遠深夜罷銜杯表九

隨使德國十六舅錢別  
紅螺山房得弟凶問

憶子趨庭日當余應試年詩心服顏謝史法述班遷捧

席花迎帽纏裝柳拂韉所思在海上看月潞河船

徽弦雙調合箋啟一年增花市題黃菊蘭湖剝紫菱俊

游共南北韻事說親朋更有關心處中宵屢撫膺

公名樹材館

尊公兵備文久居湘鄉幕府

忠孝出天姿歸骨平生願

招魂一旦悲衣冠存正氣簪笏定佳兒誰謂傳家業令

人埋玉思

迢迢花底坐悽惘樹頭星季父猶餘戚孀妻正妙齡囊  
慳不死藥案牘未完經一事重泉喜天威討不庭

桐棺三尺冷鞠酒一尊醜添入無兒痛還看有弟奇秋  
燈靈髻鬢舟雨淚參差獨往西湖路幽苔覓履綦

余在家別道希旋遇於海上將歸江西賦贈一首

天風吹雨飄東西悲喜離合不可齊我行旬日君亦至  
軒然黃鵠無一棲丈夫挺挺慎所合白璧豈肯污緇泥  
君於同輩最雄駿讀書學道他則迷纖兒細事豈挂眼  
吐氣直壓千狡獪廬陵後裔終奮起况兼祖德章雲霓

祠堂未了十年願蹉跎往昔應自悽久聞萍鄉美風俗  
既賤魚蝦肥豬雞桃源豈必無世上此心清曠多山谿  
君今還家我爲客羣兒笑髯顏色鰲免患不懼衆莫知  
無罪猶恐古有稽斬蛟剽兇豈余事剗肝瀝血憑人擠  
明年春風江上來清酒一榼相與攜蘄君射策若賈董  
吾儕有用蘇貧黎

### 湖心亭

獨上湖心亭秋草夕陽碧沈吟先世書莓廊斷人跡

先王

父家書言亭極雅潔  
亂後荒穢不堪步耳

### 題印月亭壁有懷十六舅

一潭出一月禪悟共誰參翡翠棲漁艇梅檀擁佛龕  
杯成獨醉茗盃眷深談獨起書牆外風波我熟諳

九月十六日問夏庚復病當行賦贈

蕭蕭巷陌無人至淺淺堂扉爲我開昌谷嘔心原一作本長

不惜安仁病肺可能回藥鑪經卷過三月白日浮雲并

一哀想象高平斷塵世九原難到淚空來

襟抱如霜並者誰平生雅志愛文辭雞蟲得失休相訝

燕雀聯翩但可窺秋草夜臺虛酒薦欲謁侍郎師墓未果春梅野

窖待花期沈吟東野嬋娟詠此段心情爾我知

湖堤曉望

晨雲青未散草岸白多時婀娜橋邊柳冥濛水上祠昨

游添酒致今月罷秋期晚棹平湖宿棲鴉荅櫓枝

石虎亭

大笑無遮法常明自在心危亭蹲石虎禿柳叶秋禽寺

衲知巖洞法千僧引採龍泓諸洞輿人歇水陰晉碑搥一紙歸洗  
兔尖臨

馮一梅湖上招飲

館

見子擘經室觴予樓外樓山居餐竹實夢香居紹興紫郎山竹美且多  
水宿苔菱謳閒放罕他事才英足一流萬全零落久何  
處問黎洲

圖

論交傷往地感逝竟頻年初識于馮丈煥光座上丈歿後令子建侯亦夭折言及猶  
淚下也世正需才急君猶遜志堅滄桑均哭笑胡草與纏  
綿不共西風櫂開堂讀鄭箋

梁三學士兄耀樞有封章詩以美之

吾鄉多直諫著者高要蘇爾來鄧伯訥屢屢陳封書惟  
茲翰林職迴翔在天衢但稱文學美慷慨拜疏無予宗

抱忠諒感事心鬱紆昨過棲鳳宅云將猛虎鬚和戰雖  
已定功罪不敢誣聞之喜且愕斯言毋乃愚行師重賞  
罰棄地者必誅昨日報喪敗今日拜真除軍興三十年  
未見此舉疏發政非至尊諫路成榛蕪百書亦不報徒  
令驕此夫想當未遇時從學親大儒稱必堯舜言勉汝  
賢聖徒無禍春秋佳師弟今蕭胡務堅一寸心丹磨不  
奪朱更看表盧植伏闕揚嘉謨學士從游南海朱先生  
數年近欲疏請東漢盧

君植從祀孔子  
廟廷實師訓也

檢亡友張工部嘉澍遺札

兼旬情愴滯幽居一束殘函棄短厨琴上春星何寂寞  
酒邊人病共嗟吁害舅聞君歿  
感病經月恨無佳句酬張籍空有  
哀文祭尹洙欲覓寫官錄書副校讐吾倚舊生徒遺文  
付石

表兄  
炳樞

送筠父別

十年珠海賦清游說劍談經不自休何事堯章好詞句  
邀君看月到揚州

紛紛富貴厭言兵燕子春鐙閣部名若過梅花拜遺墓  
焚香爲我道平生

小玲瓏館已蒼煙全祖望厲鶚文流事可傳胡蝶書裝  
嫩苔紙人閒應有未殘篇

贈康長素布衣

牛女星文夜放光樵山雲氣鬱青蒼九流混混誰真派  
萬木森森一草堂豈有疏才尊北海空思三顧起南陽  
攀蘭攬蒨夫君意蕉萃行吟太白傷

贈黃三 紹憲

鹿菲死後世無倫  
十子芳流更不親  
得見新詩勝看畫  
一庭清露浴春筠  
無端激楚濕蘭林  
腐壤榮華豈足侵  
最好疏簾聽雨夕  
江樓行酒共微吟

送筠甫之潮州

春花送客碧桃開  
酒庫新年出舊醅  
浮世遭迴真幸事  
孤生礪硯特深哀  
蛾眉絕好終妨俗  
麟角能成已費才  
獨念蔚宗言語妙  
幾多琬玉化爲埃  
重提往事十年前  
月動清陰上屋檣  
說劍獨探蒙叟悒  
讀書同慕黨人篇  
一從南北分襟抱  
幾息江河有變遷  
清苦伯元應未絕  
關心風教可無傳

讀龔丈空房詩題後

鸞匣餘翻翠管多安仁閒病近如何愁春欲盡難延醉  
殘月微明且放歌天上樓臺非昔日庭前桃柳有高柯  
玉谿自覺傷才綺蠟淚成堆夜夜過

落花詩

縹渺高樓一昨風曉來恨悵見飄紅雖然開落春爲主  
便有高低態不同綺歲才人看夕照舊家詞客賦飛蓬  
今朝目極仍回首猶聽疏林數點鐘

蘼蕪一岸綠昏時鶯蜨紛紛各逞姿對酒低吟如夢令  
御風新製步虛詞吾儕尚切離羣感微物能無託命思  
豈少桂枝生性直不須溷席更論誰

一片斜陽碧水環送春雙板未嘗關有時淡月來相護

終古佳人去不還翠閣路遙憑斷夢鳳巢聲澀限芳顏  
乘鸞久學飛仙術吹上蓬萊萬仞山

暗雨連晨織碎煙惹人酒後與茶前任他輕蹴來飛燕

賸有清

一本作春

陰護早蟬小立倍憐春晚晚餘生不與絮

因緣瓊枝天上關情最獨撫高松意灑然

珍重金鈴護別枝尋芳莫待綠章遲豈知隔院

一本作苑

春濃處未到人閒腸斷時風拂綠埃琴調盡露零紅粉畫

圖悲采芝王母方修隱雞犬升天事可疑

池館清涼不再過仙人月下記鳴珂將離未去盤旋久  
欲墜還飛眷戀多孤樹當風原易散餘香在水自相和  
明知邱壑隨飄息苦念初時淚暗沲

夜從范祠至蘇祠下作

范君諤諤生於天靈光八表皆可旋豐湖山水秀南海  
况有遷客蘇公賢蘇公亦挂黨人籍漢宋千年悲一宅  
少聞母教長難渝獨報君恩他不惜我生未遇京與融  
我母已往心忡忡吾儕隔世儻相見攬轡四顧知誰從  
令名壽考非可並靈旗來兮天微風

湖心亭卧月懷龍二鳳

鑣

平湖一幅月月水相交明萬事舍之去惟有思君情坡  
仙辭世久遺草呼龍耕恍兮覲天人衣帶佩紫瓊纖手  
挽銀河駕車朝玉京翩翩俯塵世一笑張君平親持雙  
蕙花贈我知素貞但保璞中玉莫問身後名同心誓感  
激欲語淚縱橫之子阻百里獨影不得并素琴厲清響  
美睡回新醒留與他日話漸覺荒雞鳴

兩年游小港不見一花同徐鑄作

數聲玉笛發餘哀山館桃梨處處開獨與此花成契闊  
一回早到一遲來

戲成一絕句

西風謔我慣離家南北行程一月奢試問湖前烏桕樹

何如陵上馬纓花

前月過明陵此花至繁

荅龍二表弟書

蘭風遞瑤札桐月掛碧疏索我篋中詩玩子別後書檢  
點傷心稿臨發重踟躕

秋荷

玉谿悵悵賦紅蕖每爲離披感故居一水鴛鴦漸頭白  
秋香零落意何如

愛蓮亭雨望

日影棲雲端林葉彌屋罅羣花掩媚妍一鳥自悲唼園  
亭坐幽獨風雨見交下古人已相失故書聊一把

丁亥閏四月病中不寐作

揀藥添衣念念休五更殘月到牀頭夜長便覺常開眼  
水遠真成不斷愁欲語悲歡疑隔世纔分香朽寤虛舟  
凡心洗濯憑何力一本作終何用兒女神仙帶淚收

送從弟鼎慈之廉州

花放夫移忽隔年更無杯酒與離筵邊原浩蕩猶吾土  
門第飄零望汝賢病鶴漸虯惟有骨素琴閒挂惜無絃  
關心豈止分攜日風雨吹帆百念牽

全亭作詩三首問長素先賢祀位

吾鄉學案早專門君有廣東學案將成今日馨香要細論千載觥  
觥原有屬白沙肇始泰泉尊

王邨遺事孰能調可信瓊臺壁暨貂祀典已成詩有意  
辦香難熬且從祧

栗主親題十六人百年展轉不存真驚心壞閣頽庵地  
料理荒殘要此身

盼黃三書

梧桐一葉下庭除爲報佳人玉札疏手折瑤花更相憶  
秋鐙涼雨渺愁予

晚坐荃香室

青天去人遠白日朗我襟幽蘭十數瓣采之貽素琴雲  
端女如花鴻雁將好音亮察正則意或續屈子吟欲往

叩靈祕鳥響煙路深

長素荷花卷子屬題

此花於世無棄材君乃嗜之不勞媒憑將一幅好東絹  
虛堂六月清風來

濂溪昔有愛蓮說端溪今有愛蓮亭花之君子至瀟灑  
涵泥揚波原未醒

南河三四里皆花花外竹籬停小車應念月臺今夜月

兩人烹露較新茶

京師南河泡荷花最盛十六日嘗游此日惟寶月臺可並耳

晴川閣 閣在漢陽臨江處聳特如奇士真偉觀

也

千里長江一掌收巋然雲表俯中流談兵先辨東西路  
送客紛停上下舟庾亮樓前今暇日伯牙臺畔幾清游

英雄過盡斜陽淡獨倚闌干起暮愁

江行大風作歌

小船拚翻葉辭枝大船順流馬脫鞵我船下上抱白日  
有似放臣羈客獨立無因依篙師顧我言子安慎勿啼  
手引大杯嚼從容解其衣先操舵尾穩那慮帆腹饑以  
柔制剛無不可逆來順受何敢違請看覆舟百與鬪多  
失幾由來一手烈豈敵千虎威不如逐浪隨波去終歲  
江湖自在歸

客中夢同年友歡如生時感覺有作

春月非我有歎逝憂無端崔生奇偉姿壽命殉微官生  
時勸道義死日留悲酸君母頭半白哭子淚未乾佳兒  
漸長成眷姻意所安獨恨促膝語尺寸不得看昨宵夢

顏色彷彿謂曩歡執手若有詞但聞勸加餐人生有死

別泣然推我肝

崔編修  
舜球

自吾喪楊生百事懶不舉兩家先世交一面故相許意

氣傾儔儷偶失自言語我歸情殷密君往色悽楚當時

不曾覺一瞬竟哭汝堂幃有老母亦有好兒女崔生今

已矣君棲息何處魂飄曲江流

歿于南雄

因風涉湘渚眷念

平生言舟燈慘疏雨

楊同知  
啟焯

自題湘舲集後三首

流轉人間事事哀滄江掣淚忍重來暄風殘日兒時路

獨步芳菲上漢臺

眩人花絮冶春行中有妖嬈百態橫奇服少年迷一笑

但分靈藥是長生

豪俊凋傷不逮前街衢經歲特喧闐無人解會湘靈瑟  
一雨微波可悵然

戊子重九前一日追憶棗花寺之游書二十字寄

文三京師

月去人數尺夢回天一方穿衣更趺坐明日是重陽

贈余表弟士愷二首

中表殷勤二十年死生聚散兩茫然玉山下有團焦坐  
憶共藤花紫月前  
愛寫秋荷風露姿賞心茶釀酒香時湘纍已死無人服  
欲扇靈芬付向誰

龍二表弟鳳鏞以先王父遺墨見還感報一首

吾祖實清德生晚不見面經營十年心始獲一東絹蠅

頭小可認精金久無變

近在他家得返金面

寶玩日不

足得隴蜀倍羨龍子才英英誦芬捧祖硯兼重外家物

遺墨勝瑤瑗高張雪色壁欲奪安敢擅微知我意迫未

肯一紙狷喜拜忽悲哀手澤得重見嘉道全盛時圖書

滿東院至今閭里口盡說華國彥世事既雲狗吾家亦

郵傳零落四十春不絕僅如線詩無靈運高名讓叔黨

徧何能洗瑕謫身世射雕賤聊告一寸誠報瓊亦云便

朝霞三首

灼灼朝霞淺淺春穠花初綻及清晨倚天照海何曾夢

誰見瓊枝隔數塵

仙子嬌嬈駕玉龍拂衣香雨曉煙衝雲屏十二春人影

拾翠鸚林獨自逢

輕絕難言不甚恩  
碧桃犬吠警春魂  
流花逝水銷魂稿  
一點相思一淚痕

歲莫雜詩

我生少年時意氣矯  
不下游俠慕張趙  
忠貞悼屈賈感物恒  
嬰心失多苦得寡  
明明懷中月持此向  
誰寫

春翹寓冶思秋花遞  
餘感長年豈能執不  
返自然慘紅

螺酒空熟

先舅所居曰紅螺山房

西庵月何黤

西庵書院慶笙講學處

平生

悅親知深悲碎肝膽

風塵正紛糾布衣頗馳騫  
坐笑無智慧不重學豈固唐  
舉相多僞詹尹卜尤忤此理  
如亨衢迷者自窘步  
淫思亦何旣飄蒂終有著世  
無長生人安得不死藥  
白日未晚晚青天甚寥廓  
八區起英名豈復恥貧弱

送潘孺老歸瓊州

送君須痛飲我亦檢行衣  
眼底誰英傑人閒有是非  
死生終一訪風雨且分飛  
祇恐橫流日飄蓬不自歸

張尚書移節湖廣送至焦山長歌爲別

南皮尚書今大儒目營入表勇萬夫  
謀國則肥身甚癯憶昔簪筆承明廬  
抗書直諫心膽麤剖析衆理抽繭如  
一時盛事傳都俞宣仁之治中外孚  
我方待試東城居未見韓范恨有餘  
鯨波俄起爭叫呼天子南顧心踟躕  
延英閣開羣彥趨謂并州牧宜海隅  
畀以南交綰兵符羣兒嘻嘻皆可奴  
公獨感激爲馳驅乃求將帥整師徒  
吾鄉馮異三尺鬚充國威名復見渠  
龍編朱戴歸版圖凱歌未奏戰者誅  
大官好和如一鑪小臣往疏真狂愚

主恩寬厚還田間豐湖學舍教可敷有祠祭范廟祀蘇

范子孟博先生祠蘇文忠公祠皆余主講豐湖日所建衰俗思以隻手扶但願呈材

貢天衢東林之派多榛蕪識公一面記厥初清詞竟日

霏瓊琚饗軍堂外事已徂及時課士洵良模端溪舊院

補竹梧廣雅宅地惟番禺千萬閒厦才俊儲寬收慎選

不濫竽自恨短淺迷津塗兩點講席無可書閒者論事

所見殊別後一一猶能摹無端朝議誇紛鋪命公總制

移荆湖貪人視官甚樗蒲南北萬里惟我漁馬昭之心

喧道途且復辟地過須臾諸生流涕追送余紛紛歸去

藏村墟我皇沖齡文武俱惟此大臣實昏污白日賄

賂行皇都苦我蒸黎媚羌胡泄泄杳杳深可虞請劍恨

無漢廷朱望公愛國不愛軀發揮忠悃章皇謨曲江贊

皇願莫虛

公有曲江風度贊皇心之句

豈復計較羣讒諛山中話別

日及晡清風明月相思無此生蹤跡依菰蘆讀書遯世  
胸恢疏他年稱叟當號迂旌旗已遠歸步徐獨往江頭  
觀打魚

夢陳樹鏞

鸞叱鳳靡非人意爲想當年淚暗傾石介有才堪御史  
劉蕡無命尚書生空庭花落傷春月野館鶯啼動曉程  
彷彿西庵眠食地百重烟水夢魂輕

息機山房作三首

南園風物勝池館似吾鄉  
鬢古蛙鳴井滌深雀處堂近  
山憑檻外淺水引椿旁地僻甘幽屏棲遲未可傷  
向晚天疑雪無人雨打窗情懷非但一哀樂豈能雙鼠

齧頻侵榻蟲飛屢撲缸嗟哉爾微物余意水淙淙

微生不磊落終歲苦蟲魚小杜耽兵法髯蘇好佛書沈

寥江海夢依約水雲居所惜懷恩意沈泉涕淚餘所居水廳

為馮兵備文煊光在任時修築今文下世十三年矣

### 庚寅元日客南園書四十字

勞生三十二兩鬢忽蒼浪水石百年有家園千里長微

名翰薄酒蚤起愛朝陽久坐機全息龍魚亮善藏

### 渡鶴樓春思

百年有明日明日又安歸寂滅非吾願沈冥與眾違因

閒貪野飲傷獨眷春菲試倚南樓月殷勤滿客衣

### 白月一首

白月臨窗一愴神明朝鏡裏鬢毛新眼前欲語無騶卒

心上相逢半故人長夜漫漫安得旦  
野花簇簇自當春  
養雞牧豕平生事那有流傳到此身

別楊鼎勳

春花零亂滿湖湄沈醉東皇尚未知  
百戰偶然猶在世  
再逢老矣竟何時託心有處從人笑  
命意無端寫我悲  
濁酒一杯琴一曲人生難遣是臨歧

徐鑄試罷訪余南園酒別二首

流落仍相見便旋過一春嗟君不遇世  
薦士竟無人登  
饌江魚美開尊市醞醕逸珠何用耀  
盈椀亦貧辛  
憶否桃花日連鑣出近郊鸞刀真枉割  
鳳舉亦紛嘲  
耿心光在蕭蕭鬢影交  
明當送江上有夢到衡茅

園居

草暗侵簾寸花明照檻重鶯逢春窈窕魚帶月唵喁織  
網千絲急投壺一笑逢天門真誅蕩雲路幾從容

晚春

江南三月落花深迢遞仙蹤不可尋寓惠曾吟坡老句  
適吳誰解伯鸞心微聞奏樂釣天遠長自挑鐙夜雨淫  
留滯江南看頭白百年小劫豈勞斟

節庵先生遺詩卷二

浙江圖

節庵先生遺詩卷三

番禺 梁鼎芬

悲歌別寶瑛

昨日醉兮今還鄉送我出門兮涕沾裳別他人兮我心  
悲公於君國兮兒女私況與子兮無見時江海兮風波  
臨分兮柰何

訪潘孺初丈雷瓊館有贈

雪殘萬念入支頤羈羽沈鱗共一時瘦固勝肥誰則覺  
生何如死世還疑棋當危局須心力花到良辰已鬢絲  
每恨古人吾不見埽除獨見閉門時

訪慶笙學舍

昔人誇會合我爾互扶持百鷲何如鷲孤豚不慕犧閒

居商學密吾道得名卑性以風霜別誰曾草木知

行舟寄慶笙

昨別百千語初醺三兩杯中流羣所攝大化縱能回擾  
擾世間事輕輕塘外雷夜涼知有雨書館失追陪

同慶笙淵若子正菊坡精舍夜談及曉

雨歇坐還好夜涼人未歸檐花飄茗椀春月曬琴徽語  
默各有適寂寥良所希因懷同學友自注謂晦若道希吾幸識

涯圻

江樓下慶笙送歸豐湖

近水未為別深情不柰君漸知除熱惱無以定紛紜一  
舸風還薄今宵月已分恐衰扶進力何況是離羣

丙戌三月二十八日林贊虞侍御自西湖來問疾

感贈

衣上西湖數點春雨吹花片欲留人誰知昔日回瀾手  
尚有先朝折檻臣橋聽杜鵑曾對淚樓題黃鶴幾傷神  
月臺荷影江亭柳處處相思總爲君

洗肝亭雜詩四首

說食與夢飽厥後同一無何以口腹事可縛人間姝吾  
神貴自然潛乃達之徒願拂衣上塵回念心地初

意質非神仙勇退亦可敬誰謂養生賢

袁刻于湖題襟集作言

世

網不全命厯塊易一蹶萬里我不慶深深隱淪者天下  
以爲柄

千齡一日積此日誠艱哉觴急可以緩花落還當開獨  
出萬物表心光自然回粲然若有識一點靈犀胎

燒香香已寂意銷吾如何名迹械眾生要與湔沈疴美人  
人舉不得隔此一片波江海日以遠霜露日以多

讀史

世運平陂孰控搏不關情處感無端紛紜國是成功懼  
晚近人才降格看偶為佳時歡夢寐每從危日驗心肝  
史家易失英雄意摹寫當年有未安

從弟鼎蔚讀書白雲山碧虛觀

陳君樹鏞人所師辨難勝釋訟居山日與閒有弟邇可

從授經首識字讀史終致用自注余往授鼎蔚說文及資治通鑑至是請陳君詳

言之源流儻兩舍汎濫徒一闕倘今鳥亡歸顛矣馬失控

蹈危志弗操棄安心乃縱世儒已多然小子可不恐隆  
崇顛步始賢愚一初共吾衰去日枉德厚先世眾登峯

恨少力近墓引餘痛自注碧虛觀去蓮花臺近汝學彌我愆汝行及門送

同三弟雙溪寺聽雨書懷

清風急渡澗閒雲徐歛岫穿林一雨來狂狃滿山走窗  
前蕉亂鳴瓦縫茅已漏成此蕭條境滴入懷抱瘦長想  
千載人志意多不就堂堂諸葛公龍光彌宇宙廿七出  
草廬扶漢天不救華山王景畧開口識溫謬王秦非正  
朔心鬱安可壽士生不遇感魚水偶然湊治亂勞心形  
黑白辨昏晝何如社櫟大不與山木寇溝壑同一懷死  
生永相守

香港別三弟二首

海氣濛濛山幾層居人冬日尚如蒸魚龍歸宿誰能識

蛇鳥飛行正可憎此去詩題添歲月不來書札負親朋  
牀前有弟猶能醉簾檻淒迷滿鬼鐙

萬索千搜到此年多財須念子孫賢西園金貴嗟成市  
南海珠光要出淵猛虎終難守藜藿玉虬長自惜蘭荃  
平生不溼離家淚滿眼蒼生只慨然

京口別楊銳二首

江流豪傑盡青鬢對蕭辰君是未歸客吾為獨寐人酒  
懷開突兀世事見勞辛贈以琅玕美高標莫委塵  
六年幾離別此別意何如九日青松卷孤雲白鶴居舊  
游詩作讖肥遯迹從漁他日荒江上來尋未可疏

山陽道中宿土門野人舍

平林月未出荒歲人更少盡返隴頭牛獨有枝上鳥候

門姬勤苦裙短髮如葆問客何方來知自貢莊道嗤彼  
少陽公無事自搜攪草衣可以溫藿羹可以飽說甚汪  
與黃歸來但一藁無人往哭祭客意大不了汲渾取葉  
煎燒茅聽栗燭

暮過叢塚間

白楊團夕陰日收忽見火飄燐逐人衣但行不可坐世  
間惟二美豪傑與婀娜堂堂百年駛纍纍一土裏無限  
未來人或有當初我何不去學仙微塵乃輕墮

秋懷二首和山谷

寒鐙出戶書帷開傲兀無伴擎眾哀我家綠桂不如昨  
世上秋風無可栽羈孤感節親懿遠夤緣在山魚鳥來  
如何不飲應霜氣觀名計利非愚哉

單衣惻惻哦新作獨坐遙遙閒零析蟲吟細草人更閒  
雁叫寒雲月將落幾種淒音不得眠數瓣黃花還自嚼  
惆悵人間萬事新不用秋心管悲樂

從保安門大街宅步至野塘

西街幽僻獨吟身景物撩人處處新水暖春魚初放子  
日長文杏漸生仁玉編金軸方難得白石青溪意可頻  
大化自然閒始見十年前已損心神

同孺初丈北郭游園歸

昔年荒草尚畦塍人漸安閒眾力興已見屋廬還舊日  
欲尋花藥共良朋園丁未服生疏鶴春色猶妍老大藤  
看畫嘗茶無一事窗簾風細又飄鏗

有感

買畚深山有所思青精飯熟儘療飢子瞻學佛翻淪劫  
棄疾能兵但寫詞擾擾九州無俊物昂昂喬木對清漪  
瘦行清坐長年好柯爛當前尚未知

坐仰止軒觀雨中梅花醉賦用宋人趙冰壺韻

雨打寒花亦有存林容江氣共昏昏招魂未必精神復  
惜別還能涕淚吞世局飽看蕉覆鹿酒鄉慣見叟爲猿  
蓬心直達何曾是頻汲靈泉灌上根

放言五章續白樂天

酒罷還尋未盡書爲周爲蜨總蘧蘧嬾勃率行原好  
瓌璋參差意可如一簣區區何武折其生凜凜孔融疏  
古今多少傷懷事鏟采埋光不道渠  
鮒入鯢居本可危西園舊事至今悲觸邪有豸旋驅去

食履外傳遺言卷三  
五  
竭澤無魚更苦追臺省諸公徒袞袞華夷無界共熙熙  
莫嫌讓等多污濁卿下忠清更是誰

從此中官競掌權斜封墨敕見蟬嫣微之晚歲猶移節  
文若英流竟有連四海盡捐貪廢罪舉朝齊唱太平年  
經儒胡廣優游甚後世公評可一錢

富貴花陰石火敲世間兒子自粘膠鷹鷂皆曰不如鳳  
蘭蕙居然先化茅儒服充途忘晝夜薦書滿地覓親交  
捕蟬初未防黃雀刎頸平生忽弄嘲

書說紛紜竊一區新奇真覺古人無史才司馬猶嫌腐  
經學公羊最受誣幾日猖狂原有限後生名利正相須  
焚香閱世悲歌出智叟聞之笑我愚

讀韓致堯詩感題二律

曉來微雨較春寒詩愛冬郎盡日看亂世崢嶸詞反豔  
暮年蕭瑟事初完鶯嘯幽獨看看盡馬走煙塵寸寸嘆  
鳳燭百條同一淚今疑紙上未曾乾

誰識天心久廢商殿前執手暗沾裳從亡盧植曾河上  
和韻吳融竟異鄉花好似忘春已去塵飛真恐日無光  
由來宦者傾人國錯怪唐家白面郎

### 傷春

微雨送芳辰花開那忍看朱樓人未知催燕雙鳳炭不  
愁容顏改但恐時節換門外柳何窮柰此春鷺亂

### 游龍丈故園追悼遂與表弟鳳鏢別二首

鹿已添雛竹有孫重經華屋愴生存清光猶見當年月  
芳意曾題半畝園遺器東廂吾忍覲明珠南越世方喧

射雕身手湮沉早不縛天驕大此門

蒼莽兵塵一局棋淒涼舊館兩孤兒剖肝自見原非福

唾面能乾恐太卑風雨獨存蘭杜性江湖多負鳳鸞期

短衣犯雪明朝別不到津橋聽子規

悲歌行送于大往天津

青銅三百貫酒來要君劇飲有此回保安寺前初識面

聽松廬側閒相陪是時年少各有託好以齟齬為詼諧

庚辰二月花始盛上京相見形貌佳挑鐙並讀坐深戶

自注同居京師南橫街吳柳堂先生故宅走馬聯轡過長街自注重九並騎游慈仁寺余有事

詞記顧祠吳屋已千古嗟我與子誰其儕天風吹落一

片梅不使輕向人間開丈夫不樂牛馬走意思擾我芝

蘭懷圓通自注寺名鳳迹聊一憩欲往觀海心雄恢如何衣

斷慈母線孟郊有淚親爲揩孤生求祿亦安用寥天一  
鶴吾歸哉他人不識膠漆意寸心或啟秦越猜豈知篤  
愛老兄弟若記細故非英才送君別歌且哀淒淒風雨  
多陰霾人間後會當何地腸斷江潮老柳堆

庚寅四月二十八日初宿海西庵

辟地亦云遠入山猶未深殘鐘幾人夢芳一作嘉樹十年

陰自注壬午六月初至焦山書認儀徵字一作庫詩傳狄道心前塵漸

飄落獨立一追尋

焦山

江繞羣山勢壯哉中流獨立寺門開漁舟出沒煙無際  
野樹橫斜月自來戰伐千年身作土登臨幾輩事如灰  
丈夫未死誰能料置酒高厓醉一回

題潘學士大輯雅堂校詩圖

江山挺英奇，輶軒扇芬馥。嘉茲來軫道，宛與前軌續。詞  
人身不還光，氣久逾伏。誰歟抉精密，惟公願追逐。徵詩  
朝發啟訪書，夕修牘。達者采廟廊，窮者至巖谷。遠者來  
江海，近者迨鄉曲。厥數過萬家，所得非一族。同堂豐俊  
秀，齊志覲耆宿。時代要先列，郡縣復分屬。不厭牛毛紛，  
那恤兔尖禿。初若挑散錦，久見筍成束。百體都駢羅，一  
事戒卑熟。孝子心溫仁，忠臣韻清肅。文儒語詳雅，才士  
詞紛郁。聆音別治亂，取派任同獨。所好無彼此，如花有  
蘭菊。既訂陶陰訛，不使烏焉復。工夫到八九，斟酌又五  
六。隻字嚴吹毛，萬象森在目。定例寬而慎，成書美且速。  
夙哉南海彥，擷此西湖玉。嗟我如飄蓬，客杭住深竹。何

幸觀盛事且與湖芳躅評論已近數感歎肯忘夙吾師

訓最早自注鼎芬七歲執業少日學不篤先生時未遇

季叔實從讀自注同治六年先君我喜老父在公又兄

弟睦年光二十過世事千百覆師門竟宿草親墓悲拱

木蹉跎負烏兔蹤跡已麋鹿未鐫同懷集自注先君及

待補詩教錄自注鼎芬五歲先回頭真隔世

行脚走平陸采風見賢者念舊說經塾論交忘輩行感

事雜歌哭春草夢難斷冬松節須轟謳吟知性情蒐訪

識風俗精神極百年收斂入尺幅小雅未盡廢大道儻

可卜酒醒題君圖月斜挂林屋

晚霞三首

嬌嬈眾仙子爭采碧桃花莫問何時果題詩在晚霞

一水名園繞綠數聲雛鳥嘯紅若隱若現樓閣似狂似  
醉東風

日漸西斜徑漸蕪佳人拾翠隱相呼園丁那管花開落  
但到春來醉一壺

小孤山

何年天風啟蒙龍吹下一片青芙蓉屹如武夫鯨額突  
燦若美女螺髻鬆孤根萬丈不見底遙山一睇難爲容  
直須縱浪觀大化遺世獨立成高蹤我居焦巖偶過此  
林巒縹緲煙霞封仙人綠髮卧松雪冥棲鍊玉恒不逢  
初心沖澹儻相許借鳥一緬安追從巢由豈必買山隱  
坐笑貪愛煩心胸天邊鴻鵠已寥廓但惜寶匣雙蛟龍  
江月照人不可到微聞雲外搖清鐘

海西菴晚坐

微雨亦已歇斜陽更在西僧歸尋舊夢客去惹新題靜  
聽悲蟬喜遠觀高樹低吾廬自有樂不必問羈棲

檢理焦山書藏訖事口占二首示庵主佛如

焦山書藏今始見千卷籤函余再題他日豐湖儻相較  
有人訪古過橋西

金山傑閣委飛塵靈隱高臺閃碧燐此屋巋然不受劫  
今朝應有檢書人

懷朱一新

分此千里月照余兩人心智慧憑何寄夢魂相與尋通  
微須有悟學啞便無音歲晚得逢否滄江深又深

題朱鼎甫拙庵

濂溪有拙賦晦翁以名齋田間石久斷室東牖已埋惟  
君稟家學不於眾取諧讀書巧探微修道工養骸精思  
契繁露憂心逮江淮若論校所能拙者不汝儕愚公與  
智叟詣極均可佳株守一先生旗纛多搪挨人生要有  
所但得行胸懷子保拙庵拙我尚乖厓乖

夜雨二絕

點滴空階不忍聞太清何事綴微雲斷腸最是芳菲節  
一例摧殘竟未分

清魂幾度託深山爲戀東風不自閒亭館淒迷鐙燭亂  
惹他蜂蝶滿人間

失題

紹宋按凡失題詩悉依公  
書扇錄出俟考得後補刊

獨坐忽不愜浩然行及期烏傷長在夢鳳舉豈無枝苦

語從君領清心有雪知爲言陳正字珍重隱湖湄

山廬夜感

一作精廬夜感

獨下疏簾有所思卅年一夢醒來遲微聞晚磬風前落  
尚憶寒花病裏移山栗已殘留鼠跡海棠初放挂蟲絲  
人生難得安閒境記取虛廊月上時

李侍御補官三年未有所言夜涼不寐奉懷一首  
天街驄馬競游嬉六十頭顱負此奇咋舌吞聲誰不媿  
剖心見血可無時舊廬漂蕩輸歸計浮世升沈付小詩  
琴上星殘教一哭

自注謂鐵香

應從滄海念王尼

江邊寫心

獨羨南飛鳥閒看西上魚優游不在世俯仰莫憐渠佳  
節頻回換中情任放疏天涯寄芳草何處是幽居

江邊

亭左亭右竹山前山後花江天去寥廓黃鶴不思家

江邊看月

丈夫適意古所難顧念年時復長歎託身蕭寺有何事  
精神皎皎頻往還厓高木落秋色淨今宵月出誰同看  
山精白日不可遇夜永儻或憐客單孤斟已到短餅罄  
悄立未覺疏襟寒此時月色更明潔光芒直照余心肝  
眾人同趣知我獨萬物一例嗤儒酸醉眠不覺天放曉  
大江風起生微瀾

定慧寺晚歸

蕭閒無一事看盡幾斜陽待月浮花醪尋詩挂藥囊家  
書長不到僧臘靜相忘闕里威儀似文公語可傷

晚歸

向暮寺逾靜遙山月正微野苔存鹿跡秋葉打人衣論  
世千年見思鄉一夢違白鷗轉馴甚相約過前磯

江生爲性寬上人畫竹乞余題詩二首

一春密密一秋疏真稱幽人寂寞居鶯老雁慵天色暮  
琅玕腹裏足愁予

與可襟情近士無愛將瀟灑夢西湖洗肝亭下千枝綠  
猶記論詩到日晡

讀人天眼目有感二首

函蓋乾坤宗法在雲門一語繫人思如何截斷衆流後  
也有隨波逐浪時

放下鋤頭正得閒白雲深處百花斑  
子規日落嗚何急

莫勸儂歸不住山

詩徵閣

詩客飄魂百載長  
江天此閣最芬芳  
微雲不阻清淨眼  
夢雨獨焚知見香  
靜裏光陰無蚤晚  
閒中書卷入微芒  
臨窗一鳥窺人熟  
纔欲呼名已過牆

得王子展書報詩一首

故人別幾月珍重千里書  
開緘問眠食一字當一珠  
生死貴明達貧富無賢愚  
男兒不受憐女子乃嗟吁  
堪笑麩與贅羈絡千侏儒  
惟有神仙姿凌風還太虛  
溪山處處好松栝皆我廬  
思子不得見笑子非吾徒

甲申十月八日祭墓

夢到松間又復分  
三秋今見嶺頭雲  
難如延篤無慙色

何似羲之有誓文寸祿已多先失養孤根雖弱肯隨羣  
傳聞宮闈矜憐語未荅涓埃敢不勤

秋懷

一作羈懷

羈懷

一作情

了無泊拋去又相尋聞雁知兵氣看花長道

心百年紅燭短一水夕陽深獨有雙龍劍時時壁上吟

天平橫街館舍春宵

圖

書館更深月似銀學僮盡返獨留身醒尋好夢疑前世

閑對初花愛早春款款語言還憶昨滔滔江海忽傷神

楚庭詩社明朝會且效淵明漉酒巾

自注連日同子展  
晦若雲閣集紅螺

山房飲  
酒賦詩

彭園

闌干閒竹斷還紅盡日樓臺住畫中綠芟乍涼知近雨

玉簫微脹正當風水村彷彿前遊是仙館消沈一局終

少歲曾來今漸老主人不識識蒼僮

自注地為潘園舊址十歲時隨七叔

此遊

### 竹林寺

館

日出接清氣竹風微送予青鴛辭世早

自注王半山竹林寺詩青鴛幾

世辭蘭若

白鶴與人疏客病能危坐僧閑補壞書已知斷常

見不限孝然廬

圖

### 竹林寺送客暮歸

鶴林招隱地相連不見山花放杜鵑破帽青鞵吾倦矣

晴沙翠竹境翛然鼓琴人戀將離際采藥僧談未亂前

一剎那間換光景平原為沼已生蓮

### 竹林寺聽鷓鴣

野行日出天未暑直到竹林最深處茶僧解事不相陪  
好脫衣巾卸煩苦青蟲墜葉絲冒髮白鳥驚枝席黏羽  
倦歌片石不逢人誤聽清風作吹雨藏山先生無一錢  
但逢邱壑欲自專山花滿眼如舊識兩個黃鸝鳴我前  
笙和簧脆世未有彷彿解后瑶臺仙詩人尚切公家事  
談論今古知誰賢自注葉君大莊同游論史甚久勸君買山學種田飢  
飽在我天無權一飲一啄如鳥然雙柑斗酒隨我眠山  
深深兮水涓涓來世作佛真良緣

夜坐還石山房感賦

折

篋中遺墨幾摩挲

自注日間檢慶笙手札淒然數時

檢點平生負汝多

寂甚近流誰俊及偶然佳句學陰何無成便以詩人老  
有好先妨佛法呵日日賞茶與看畫殉華辭令總乖訛

還石山房作

聊寄萍根此屋廬晚來晴翠撲襟裾浮生未了頻看劍  
今日得閒須讀書海內故人箋啟少庭前老柏雪霜餘  
少年便有游山興不爲千秋賦索居

薄暮游史家園爲筠父舊日讀書處

曲江紅白萬荷花欲覓苔碁日已斜少歲題橋司馬志  
經年寄館令狐家粉牆近覺無題字石竈今知自煮茶  
試折芳蘅問消息趁潮帆鼓惜頻搵

沈二字曰筠甫屬余爲詩

人生重節義草木愛貞潔青青竹枝秀要比霜雪烈持  
以保歲寒爲君作字說

讀葉大莊都門雜詩有簡兼寄林昭通

新霽飛一覘佳篇冷時閱俯仰四海空纏綿九愁熱十年不到地夢往風先折春暄觀中苔水染湖上月豪華紛滿眼上牋庶一徹陳人不厭脆昔心柰徒設惟有閩社英涕零已離別

徐鑄以雙硯爲壽報謝

徐生與我皆已未三十不官自然貴少小逢君肺腑溫昂藏入世神姿毅今日親持紫硯雙願吾如石堅且長一拜呼兄數顛叟同年有弟誇周郎尊前微醉掀髯笑石不如吾聽嘲誚刊盡鋒棱始見珍予人磨炙真堪弔君更殷勤盡一觥老矣無田可以耕此材得入劍南室剛折何如心太平

黃埔當發有憶三弟

憂端不可掇帶月獨登船纔見一筵笑俄分百里天一作

眠疏蘆驚雁起一作寒雁落淺草聽一作細魚牽想泊鴛湖外

思兄猶未眠一作扣舷

游張氏園

館

乍拋殘醉已三商獨往芳郊見一莊熟馬知門苔葺厚  
流鶯眷檻柳衣涼樓臺漸覺多新製士女都誇改舊裝  
五十年前乾淨土當時寂寞此時忙

同鼎甫觀劇

百商淫費歡昇平笙歌處處宵可聽吾儕無事且從眾  
入門滿座銀荷明衣裳綵繡簫鼓鬧中有一女千娉婷  
塗脂曳繡儼然是能奪人國傾人城我初不解那覲此  
旁人私說來上京貴官矜寵日一見百司承旨誇得朋

比鳥巧舌花解語遂并昏旦連輜輶偶然游戲泛海市  
故拂美意如嬌嬰催書頃刻三四至詰朝定上通潞亭  
客來真幸逮良夜賤士一盼甯非榮當年都會無此樂  
光景一改喜且驚君歸夢穩莫作嚙鈞天隱隱鏘韶馥

同伯嚴雲閣遊徐園

相逢忘歧路行樂莫如閒風柳低琴坐霜花奪酒顏摧  
藏幾人在紛亂早年刪未暇論塵事孤禽日暮還

上海酒樓與朱大一新別

冷落街頭小市存寒霜不點竹鑪溫風雲壯志真同夢  
江海餘生未報恩迹已沈冥誰為測語無綵繪我猶煩  
臨分清淚他年在莫認襟前盡酒痕

南園種樹詩五首有序

去年居上海城南也是園池臺林館幽絕人世  
手種數樹聊補彫落既有文紀事復為此詩

烈風何時吹甘雨先已濃焦堂二株古挺挺唐世容棟

樑勿自好斧斤不汝逢 柏

端溪十三本書堂畫春綠今茲雙青桐也抵兩寒玉但

可莊周據毋令蔡邕辱 梧桐

此花極幽介合在孤山逢嗟余置路傍遂攬游人蹤明

月一池雪霜風數點鐘 梅

那有武陵源惟惜元都觀花開蟲食樹誰知已及半老

夫且使酒輕薄勿折損 桃

新栽如我長臨去未忍折悲風已如許不待暮秋說與

汝同天涯明朝更離別 楊柳

贈楊鼎勳

丈夫殺賊真人豪功臣歸隱藏寶刀一朝聽鼓亦何意  
云有老母須仰事嗟哉孝子形狀羸鳶肩不貴非所悲  
聖恩浩蕩加四海臣實命薄丁窮竒當時上馬誓一死  
豈料今日能爲兒凌烟高閣幾人污不美七尺堪涕洟  
生也聞言動深慨祿不逮養余可疵紅旂黃紙非我事  
淒淒求友今至斯伯牙既得遇鍾子自注謂張伯琴源明又幸  
逢紫芝萬期一燭話未了爨爨街鼓催飄離西湖風景  
暮春好短衣應憶酣戰時三人各別終有合同薦香繁

拜岳祠

自注君明日回山陰伯琴歸省余返焦山

潘學士丈

衍桐

西園涉趣圖題詞

竹梧絕幽勝亭館倍閒整新花三兩行臨水弄清影方

其下車始苔草雜榛梗歸澤古有訓觀游不敢逞柳州  
三亭記微愔毋乃並經營幾月日領畧一機境先生富  
文史坐此春晝永由來廢興事賢者心自省遠遊念余  
獨黃鸝若三請榻待周璆久性愛後山冷時時述先德  
處處惜芳景論詩及夜午酒罷尚蒸茗人生重氣誼茲  
會豈不幸蛤吠柳陰涼螢飛蘚階靜別後皆相思情至  
夢未醒殷勤在臨岐明當理烟艇

窪尊煙話圖同楊鼎勳張琳作

我身不願化千億登山望鄉空太息如何苔下牽此懷  
兩客沈淪世無識窈窕尋幽肯不來亭中之人安在哉  
石臼杯飲亦常事惹人片片傷心苔三十三天果何處  
單牀皎皎吾已曙向憐駿馬絡青絲絕美溪山纔一駐

人間無事不心違  
擁樹巖雲鳥未歸  
少陵空有開元憶  
醉病江頭對翠微

同張琳論事談詩有贈並送歸省沅江二首

微雨灑清晝  
閒芳照孤館  
平子實通士  
兀特又夷坦  
暫親冰雪寒  
久坐布帛煖  
竦身順所止  
繡蘭堅不損  
追陪有幾日  
舍我一棹返  
千里庭闈心  
此官亦閒散  
余情似飛絮  
共汝江海遠  
勿須怨桃花  
貧女嫁常晚

樊川龍豹姿  
不偶温李治  
扶持萬代人  
吐詞最英雅  
吾生膠夙好  
豈惜諧者寡  
昨宵論詩派  
同志無斥厓  
罪言虛上策  
空有淚盈把  
世味區蘭蕕  
人才見玉瓦  
蒼茫百年事  
悵悵不能寫

酒樓二絕句

遙情終古若爲賢辭翰萋萋不盡傳獨倚危欄無一語  
當時誰識石延年

灌夫罵坐亦何爲別有幽懷泣酒卮燕子桃花都過盡  
禪心卻被晚風吹

哭表兄沈先生

葆和

寸步蹉跎到暝時玉壺溫粹豈求脂可堪忠節歸零落  
誰料交親蒼涕洟生已莫知何論死母方垂白況無兒  
傷心廿載春風坐不及憑棺哭我私

鍾山客夜

秋扇已捐吾自愛

一作恩尚在

春蠶未化

一作死

意何如半山

亭下歸來晚一炷爐香一卷書

讀鄧輔綸白香亭詩柬伯嚴三首

秋葉疑疑風墜枝隱几仰天微弄髭陳子敲門踏破月  
誇示于我彌翁詩拳毛竦動筋骨瘦莫是渥洼千里兒  
嗟乎騏驥不易見時無九方到死賤

龍蝦同一流駑駘均一軌奚以百年短負此眾類憂朝

晞夕喑不自覺亦有載酒行江頭杜陵生來茅屋歎天

寶不綱親患難異代悲哀鴻雁篇腹裏琅玕想零亂自注

道光己酉湖湘大水集中鴻雁篇語特沈痛

名士之詩亦如鯽妖嬈倚市較顏色貞元盛會手難回

小雅盡廢心自惻老柳婆娑無復春武昌一水愁鄰鄰

范家叔矩漢風俗灑涕憐才聊語君自注彌之為江甯文正書院院長歿

已一月弟繹客武昌聞兄憂不赴識者少之

### 登山雜詩五首

策馬凌山椒清露滿衣履江流望不極柰此滔滔水中  
有蛟龍行暗者若無視雄豪盡凋落金石獨能止

凌風視一舉飛鳳相迴翔縹緲霄漢間振衣叩天閭靈  
氛來告余今茲未能詳佳辰薦仙桃美人陳玉觴龍門  
奏綠桐下界聲琅琅八表渾昏曉笑子難爲雙

海中有精衛銜木來西山食以青芝實報之白玉環喟  
茲無盡悲心苦神甚閒滄海會須涸微命終自艱已矣  
亦已矣一往不復還

魯連蹈海去清風灑至今大節亮不回萬代誰能尋在  
天鴻鵠鳴在地松柏陰懷哉每朝夕一旦山水深

製囊絡劍首嗤彼吹一呖屈原豈徬徨眷此山野潔勿  
用爲潛龍識時乃俊傑悠悠千載長冥冥萬情滅

郊行

卅年經亂定匹馬逆風驕  
青草猶披隴寒溪更斷橋  
民貧多忌諱道泰自逍遙  
仰視高雲上冥鴻不可招

陳進士

三十一立

宴集賈太傅祠

往彥苦辛地今人歡樂場  
櫺通花入座徑短竹爲牆  
論學皆英妙懷忠忽感傷  
獨行日斜後蜂螻采香忙

甘露寺

鐵塔燒殘已不成寒鴉古徑少  
人行憑高望海天方大  
傷遠思鄉歲又更壁上久無靈  
運畫山前誰見贊皇名  
講花飄雨僧同盡坐聽風回浪打聲

自開先寺登山作

青鞵布襪未須筇穿過層巒  
無數松山氣尚腥纔過虎

水紋不定欲生龍佛常欹坐難逢客僧自耘田也算農  
森森江湖明一髮暮循歸徑已雲封

問孫德祖病

屋廬深深天陰陰嗟君學道茲豈瘖奚為暑風暗觸侵

口渴有若田夫霖湖亭告別余舟舫

自注丑林切見說文舟部佩文廣韻

無之今據以為補

調糜量水誰則任由來有癖能損心因風試

為彈素琴

圖山

峩峩朱方城有山矗東北大江襟其前五峯

自注山名翼其

側昔年阿朮軍張孫戰不克黃鵠與白鷓數百沒於賊

順流六十里到此盡顛踣我來攬形勢今古不同式元

兵渡江至北固實阨塞今防海上寇堵禦此最亟京口

之屏蔽江陰之胸臆世無傅伯成包港恐不得忽聽刁  
斗鳴訝見旌旗色行船大官過鞠脰兵之職回營同醉  
倒醒後不相識灞上真兒戲養之耗民力躊躇無一劍  
颯爽觀入極

圖山華嚴寺

營門施巨要山徑今在後獨木懸若綫細水滴成漏樹  
闍孤陽開花歎一石救僧枯驚見魑佛爛恨離寇荼苦  
愈新渴果甘失舊瘼板扉多不完蒲團尚可湊大江觀  
一白高屋列千秀我衰不畏虎自注寺後有老虎洞兵遠恍行馳  
自注時方晚操壯懷拂輪囷沈吟暮鐘又

秦淮

舊月銷沈一縷煙菱塘成岸水成田綠楊是我題詩處

寂寞秦淮十二年

淶水橋弔杜牧

移屣府西頭鄰鄰但一溝柳橋初罷絮詞客莫登樓買  
酒無人識傷春并淚收低徊樊上老何事乞湖州

同龍二登北固山

天風吹人危欺我雙病脚空懷秦漢君幸解顓頊瘡昔  
賢富佳致共子更搜掠佛座冷苔衣春巖眷蘭薄蔡謨

謝安皆雲霄楊岳斌

彭玉麟

亦祠閣峻壁江更深解維

水初落

花朝泛甘棠湖遂登煙水亭

雪後微添水春中尚衣裳衝船雙鷺去列岫一亭收細  
雨青苔意他鄉翠柳愁江湖應有屬隨事又淹留

九江待發同伯嚴作寄實甫

名山猶在眼歸心已西東江船日相竢後至嗟莫從驕  
陽燒樹赤行坐熱釜中未堪爾猿鶴但可飽蚊蟲思君  
恨兩載三宿話未終今宵補其闕需待真有功涉川戒  
同躁乾坎觀每凶敬慎必不敗濡滯非自窮誰及三峽  
客卧枕雙白龍寄書不暇草他日擘此衷

贈江上漁父

箬笠無人共葭蒲與物疏日斜猶戀樹風急自義魚獨  
往何嫌屢孤情肯顧餘翻嗤屈原作醒醉不關渠

晚泊

疏林春月淨遠水暮鴉遲小泊當松下初愁及酒時江  
湖非昔日魚鳥與新知夜半聽潮響舟人已解維

晚興

開徑攜新屐尋山易晚鐘  
仙人采芝去流一作臨水笑相逢  
苔際餘花淨霞邊一鳥衝  
幽居興不淺請酌市醪濃

廬山

我生久行役入山苦不早  
身帶靈寶符雞犬自牽抱  
清風散陰氣日出安用禱  
五老如故人依稀夢中道

萬履安先生續騷堂集題詞四首

名在遺民錄人推通德門  
風塵一身老光氣百年存  
北望虛流涕西皋暗斷魂  
叢山遺法在曾與拾芳蓀  
醺心憑對酒訪舊偶談禪  
蹤跡成黃鵠哀傷託杜鵑  
世紛難一概灰死豈重然  
舊恨榆林疊秋懷更可憐  
太沖論講舍臯羽弔荒臺  
急難須吾輩狂歌復幾回  
前

塵孤鶴歎後起八龍才天意憐忠蓋遺文出世來  
性情誰不寶憂患意何深偶仿劉義體真同屈子吟懷  
賢看日暮把卷到湖陰但惜粵游草篇亡不可尋

憶惠州西湖雜詩百首寄惠州西湖諸生

紹宋按此篇僅

存五首非敢刪也

西湖之水三大溪西新橋上行人擠浮碧洲前偶然過

問名喜識甘公堤

自注三大溪之流北曰橫老西曰水簾西北曰新村曰天螺合於西新橋

滙為湖湖上有浮碧洲前有甘公堤

芳華洲上題堂額可是題名襲魯公一樣逍遙有興廢

猶憑詩序說流風

自注趙海馭永嘉人宋淳祐三年知惠州有善政嘗於芳華洲上題逍遙

堂額余憶顏魯公會題蒲州逍遙樓榜今臨城東城亦有此三大字或云非真蹟也東坡江月詩序云嘗夜起

與客游豐湖入棲禪寺叩羅浮道院登逍遙堂

花墩花放白青紅胡蝶雙雙撲晚風猶記短舫維柳外

輕箋吹過釣魚篷

自注鐵香之從叔就湖中洲為花墩  
蔣種繁卉香風半湖余嘗過訪不見

主人折  
花而歸

舊觀圓通憶往時蒼松翠柏最相思初更月出書聲起

親到敲門課楚詞

自注黃塘寺舊為圓通觀余在豐湖  
講席時許生壽田讀書於此生好志

節之士嘗取古  
人忠孝事勉之

小小船窗薄薄紗幾時舟榜署浮家詞人應有湖船錄

不讓泉唐厲鶚誇

自注湖上船頗多或如杭州有題浮  
家二字致佳樊榭有湖船錄近人丁

午復為續  
錄二卷

節庵先生遺詩卷三

浙

811.18  
3324

287902-3  
VI-2

梁鼎芬  
節庵先生遺詩六卷

811.18  
3324

287902-3 VI-2

限制出借  
別讓圖書逾期、損壞

### 借閱者注意

- (一) 借閱此書須加意愛護，要保內  
持原有形狀，並不得在書內  
塗寫。
- (二) 損壞或遺失，應賠償同樣書  
籍，難以購得者，須加倍賠  
償。
- (三) 借閱以二星期為限，期滿應  
即繳還。遇必要時得續借一  
星期。
- (四) 逾期不還，停止借書權兩星  
期。
- (五) 此書如需用時，本館得通知  
借者須即繳還。


圖書是社會主義財產

浙

圖

書

館



浙江圖書館





浙江圖書館



浙江圖書館

86 年 11 月



浙江圖書館

811.18  
3324





浙江圖書館

86年



centimetres 1 2 3 4 5 6 7 8

1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black